

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – सप्तमः प्रश्नः

Version Notes:

This is now the current Version 1.0 dated October 31, 2021

1. This replaces the earlier version 0.0 dated Oct 27, 2018.
2. We have listened to the Krama Paaraayanam telecast by TTD channel. The corrections found have been updated . The corrections found and reported till October 31, 2021 are also updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

1st Version Number 0.0 dated October 27, 2018

Table of Contents

- 4 कृष्ण यजुर्वेदीय तैत्तिरीय संहिता क्रम पाठः4
4.7 चतुर्थ काण्डे सप्तमः प्रश्नः- वसोर्धारादिशिष्टसम्काराभिधानम्.....4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4 कृष्ण यजुर्वेदीय तैत्तिरीय संहिता क्रम पाठः

4.7 चतुर्थ काण्डे सप्तमः प्रश्नः—

वसोर्धारादिशिष्टसम्काराभिधानम्

T.S.4.7.1.1 - Kramam

अ॒ग्ना॒वि॒ष्णू॑ स॒जोष॑सा । अ॒ग्ना॒वि॒ष्णू॑ इत्य॒ग्ना॑ – वि॒ष्णू॑ ।
स॒जोष॑से॒माः । स॒जोष॑सेति॒ स – जोष॑सा । इ॒मा व॑र्द्धन्तु । व॒र्द्धन्तु॑
वा॒म् । वा॒ङ्गिरः॑ । गिर॒ इति॑ गिरः । द्यु॒म्नैर् वा॒जेभिः॑ । वा॒जेभि॒रा ।
आ ग॑तम् । ग॒तमि॑ति ग॒तम् ॥ वा॒जश्च॑ । च॒ मे॒ । मे॒ प्र॒स॒वः । प्र॒स॒वश्च॑ ।
प्र॒स॒व इति॑ प्र – स॒वः । च॒ मे॒ । मे॒ प्र॒य॒तिः । प्र॒य॒तिश्च॑ । प्र॒य॒तिरि॑ति
प्र – य॒तिः । च॒ मे॒ । मे॒ प्र॒सि॑तिः । प्र॒सि॑तिश्च । प्र॒सि॑तिरि॒ति
प्र – सि॒तिः । च॒ मे॒ । मे॒ धी॑तिः । धी॒तिश्च॑ । च॒ मे॒ । मे॒ क्र॑तुः ।
क्र॑तुश्च । च॒ मे॒ । मे॒ स्वरः॑ । स्वरश्च॑ । च॒ मे॒ । मे॒ श्लो॑कः ।
श्लो॑कश्च । च॒ मे॒ । मे॒ श्रा॒वः । श्रा॒वश्च॑ । च॒ मे॒ । मे॒ श्रु॑तिः ।

चतुर्थ काण्डे – सप्तमः प्रश्नः – (TS 4.7)

श्रु॒तिश्च॑ । च॒ मे॒ । मे॒ ज्यो॒तिः॑ । ज्यो॒तिश्च॑ । च॒ मे॒ । मे॒ सु॒वः॑ ।
सु॒वश्च॑ । च॒ मे॒ । मे॒ प्रा॒णः॑ । प्रा॒णश्च॑ । प्रा॒ण इति॑ प्र-अ॒नः॑ । च॒ मे॒ ।
मे॒ऽपानः॑ । अ॒पानश्च॑ । अ॒पान॑ इत्यप - अ॒नः॑ । 1 (50/5)

T.S.4.7.1.2 - Kramam

च॒ मे॒ । म॒ व्या॒नः॑ । व्या॒नश्च॑ । व्या॒न इति॑ वि - अ॒नः॑ । च॒ मे॒ ।
मे॒ऽसुः॑ । अ॒सुश्च॑ । च॒ मे॒ । मे॒ चि॒त्तम्॑ । चि॒त्तम् च॑ । च॒ मे॒ ।
म॒ आ॒धी॒तम्॑ । आ॒धी॒तम् च॑ । आ॒धी॒त॒मित्या॑ - धी॒तम्॑ । च॒ मे॒ ।
मे॒ वाक्॑ । वाक् च॑ । च॒ मे॒ । मे॒ मनः॑ । मनश्च॑ । च॒ मे॒ । मे॒ चक्षुः॑ ।
चक्षुश्च॑ । च॒ मे॒ । मे॒ श्रो॒त्रम्॑ । श्रो॒त्रम् च॑ । च॒ मे॒ । मे॒ दक्षः॑ ।
दक्षश्च॑ । च॒ मे॒ । मे॒ बल॑म् । बलम् च॑ । च॒ मे॒ । म॒ ओजः॑ ।
ओजश्च॑ । च॒ मे॒ । मे॒ सहः॑ । सहश्च॑ । च॒ मे॒ । म॒ आयुः॑ । आयुश्च॑ ।
च॒ मे॒ । मे॒ ज॒रा॑ । ज॒रा च॑ । च॒ मे॒ । म॒ आ॒त्मा॑ । आ॒त्मा च॑ । च॒ मे॒ ।
मे॒ त॒नूः॑ । त॒नूश्च॑ । च॒ मे॒ () । मे॒ शर्म॑ । शर्म च॑ । च॒ मे॒ । मे॒ वर्म॑ ।
वर्म च॑ । च॒ मे॒ । मे॒ऽङ्गानि॑ । अ॒ङ्गानि च॑ । च॒ मे॒ । मे॒ऽस्थानि॑ ।
अ॒स्थानि च॑ । च॒ मे॒ । मे॒ प॒रू॒षि॑ । प॒रू॒षि च॑ । च॒ मे॒ ।

मे॒ शरी॑राणि । शरी॑राणि च । च॒ मे॒ । म॒ इति॑ मे ॥ 2 (68/70)

(अ॒पा॒न - स्त॒नू॒श्च॑ मे॒ - ष॒ष्टा॑द॒श च) (A1)

T.S.4.7.2.1 - Kramam

ज्यै॑ष्ठ्यम् च । च॒ मे॒ । म॒ आधि॑पत्यम् । आधि॑पत्यम् च ।
 आधि॑पत्य॒मित्याधि॑ - प॒त्यम् । च॒ मे॒ । मे॒ म॒न्युः॑ । म॒न्युश्च॑ । च॒ मे॒ ।
 मे॒ भा॒मः॑ । भा॒मश्च॑ । च॒ मे॒ । मे॒ऽमः॑ । अ॒मश्च॑ । च॒ मे॒ । मे॒ऽम्भः॑ ।
 अ॒म्भश्च॑ । च॒ मे॒ । मे॒ जे॒मा॑ । जे॒मा च॑ । च॒ मे॒ । मे॒ म॒हि॒मा॑ ।
 म॒हि॒मा च॑ । च॒ मे॒ । मे॒ व॒रि॒मा॑ । व॒रि॒मा च॑ । च॒ मे॒ । मे॒ प्र॒थि॒मा॑ ।
 प्र॒थि॒मा च॑ । च॒ मे॒ । मे॒ व॒र्ष्मा॑ । व॒र्ष्मा च॑ । च॒ मे॒ । मे॒ द्रा॒घु॒या॑ ।
 द्रा॒घु॒या च॑ । च॒ मे॒ । मे॒ वृ॒द्धम्॑ । वृ॒द्धम् च॑ । च॒ मे॒ । मे॒ वृ॒द्धिः॑ ।
 वृ॒द्धिश्च॑ । च॒ मे॒ । मे॒ स॒त्यम्॑ । स॒त्यम् च॑ । च॒ मे॒ । मे॒ श्र॒द्धा॑ ।
 श्र॒द्धा च॑ । श्र॒द्धेति॑ श्रत् - धा । च॒ मे॒ । मे॒ जग॑त् ।
 जग॑च् च । च॒ मे॒ । 3 (50/52)

T.S.4.7.2.2 - Kramam

मे॒ ध॒नम्॑ । ध॒नम् च॑ । च॒ मे॒ । मे॒ व॒शः॑ । व॒शश्च॑ । च॒ मे॒ ।
 मे॒ त्वि॑षिः । त्वि॑षिश्च । च॒ मे॒ । मे॒ क्री॒डा॑ । क्री॒डा च॑ । च॒ मे॒ ।

चतुर्थ काण्डे – सप्तमः प्रश्नः – (TS 4.7)

मे॒ मोदः॑ । मोदश्च॑ । च॒ मे॒ । मे॒ जा॒तम् । जा॒तम् च॑ । च॒ मे॒ ।
मे॒ ज॒नि॒ष्य॒माणम्॑ । ज॒नि॒ष्य॒माणम् च॑ । च॒ मे॒ । मे॒ सू॒क्तम् ।
सू॒क्तम् च॑ । सू॒क्तमि॒ति सु॑ – उ॒क्तम् । च॒ मे॒ । मे॒ सु॒कृ॒तम् ।
सु॒कृ॒तम् च॑ । सु॒कृ॒तमि॒ति सु॑ – कृ॒तम् । च॒ मे॒ । म॒ वि॒त्तम् ।
वि॒त्तम् च॑ । च॒ मे॒ । मे॒ वे॒द्यम्॑ । वे॒द्यम् च॑ । च॒ मे॒ । मे॒ भू॒तम् ।
भू॒तम् च॑ । च॒ मे॒ । मे॒ भ॒वि॒ष्यत् । भ॒वि॒ष्यच् च॑ । च॒ मे॒ । मे॒ सु॒गम् ।
सु॒गम् च॑ । सु॒गमि॒ति सु॑-गम् । च॒ मे॒ । मे॒ सु॒पथ॑म् । सु॒पथम् च॑ ।
सु॒पथमि॒ति सु॑ – पथ॑म् । च॒ मे॒ । म॒ ऋ॒द्धम् । ऋ॒द्धम् च॑ । च॒ मे॒ ।
म॒ ऋ॒द्धिः () । ऋ॒द्धिश्च॑ । च॒ मे॒ । मे॒ क्लृ॒प्तम् । क्लृ॒प्तम् च॑ ।
च॒ मे॒ । मे॒ क्लृ॒प्तिः॑ । क्लृ॒प्तिश्च॑ । च॒ मे॒ । मे॒ म॒तिः॑ । म॒तिश्च॑ ।
च॒ मे॒ । मे॒ सु॒म॒तिः॑ । सु॒म॒तिश्च॑ । सु॒म॒तिरि॒ति सु॑ – म॒तिः॑ । च॒ मे॒ ।
म॒ इति॑ मे ॥ 4 (64/69)

(जगच्च – ऋद्धि – शतुर्दश च) (A2)

T.S. 4.7.3.1 - Kramam

शम् च॑ । च॒ मे॒ । मे॒ म॒यः॑ । म॒यश्च॑ । च॒ मे॒ । मे॒ प्रि॒यम् । प्रि॒यम् च॑ ।
च॒ मे॒ । मे॒ऽनु॒का॒मः॑ । अ॒नु॒का॒मश्च॑ । अ॒नु॒का॒म इत्यनु॑ – का॒मः॑ ।

च॒ मे॒ । मे॒ का॒मः॑ । का॒मश्च॑ । च॒ मे॒ । मे॒ सौ॒म॒न॒सः॑ । सौ॒म॒न॒सश्च॑ ।
च॒ मे॒ । मे॒ भ॒द्र॒म् । भ॒द्र॒म् च॑ । च॒ मे॒ । मे॒ श्रे॒यः॑ । श्रे॒यश्च॑ । च॒ मे॒ ।
मे॒ व॒स्यः॑ । व॒स्यश्च॑ । च॒ मे॒ । मे॒ य॒ज्ञः॑ । य॒ज्ञश्च॑ । च॒ मे॒ । मे॒ भ॒गः॑ ।
भ॒गश्च॑ । च॒ मे॒ । मे॒ द्र॒वि॒ण॒म् । द्र॒वि॒ण॒म् च॑ । च॒ मे॒ । मे॒ य॒न्ता॑ ।
य॒न्ता च॑ । च॒ मे॒ । मे॒ ध॒र्त्ता॑ । ध॒र्त्ता च॑ । च॒ मे॒ । मे॒ क्षे॒मः॑ । क्षे॒मश्च॑ ।
च॒ मे॒ । मे॒ धृ॒तिः॑ । धृ॒तिश्च॑ । च॒ मे॒ । मे॒ वि॒श्व॑म् । वि॒श्व॑म् च॑ ।

च॒ मे॒ । 5 (50/51)

T.S. 4.7.3.2 - Kramam

मे॒ म॒हः॑ । म॒हश्च॑ । च॒ मे॒ । मे॒ स॒म्॒वि॒त् । स॒म्॒वि॒च् च॑ । स॒म्॒वि॒दि॒ति॑
स॒म् - वि॒त् । च॒ मे॒ । मे॒ ज्ञा॒त्र॒म् । ज्ञा॒त्र॒म् च॑ । च॒ मे॒ । मे॒ सूः॑ ।
सू॑श्च॑ । च॒ मे॒ । मे॒ प्र॒सूः॑ । प्र॒सू॑श्च॑ । प्र॒सू॒रि॒ति प्र - सूः॑ । च॒ मे॒ ।
मे॒ सी॒र॒म् । सी॒र॒म् च॑ । च॒ मे॒ । मे॒ ल॒यः॑ । ल॒यश्च॑ । च॒ मे॒ । म॒ ऋ॒त॒म् ।
ऋ॒त॒म् च॑ । च॒ मे॒ । मे॒ऽमृ॒त॒म् । अ॒मृ॒त॒म् च॑ । च॒ मे॒ । मे॒ऽय॒क्ष्म॒म् ।
अ॒य॒क्ष्म॒म् च॑ । च॒ मे॒ । मे॒ऽना॒म॒य॒त् । अ॒ना॒म॒य॒च्च॑ । च॒ मे॒ ।
मे॒ जी॒वा॒तुः॑ । जी॒वा॒तुश्च॑ । च॒ मे॒ । मे॒ दी॒र्घा॒यु॒त्व॒म् । दी॒र्घा॒यु॒त्व॒म् च॑ ।
दी॒र्घा॒यु॒त्व॒मि॒ति दी॒र्घा॒यु - त्व॒म् । च॒ मे॒ । मे॒ऽन॒मि॒त्र॒म् ।

अ॒न॒मि॒त्रम् च॑ । च॒ मे॒ । मे॒ऽभ॒यम् ।

अ॒भ॒यम् च॑ । च॒ मे॒ । मे॒ सु॒गम् । सु॒गम् च॑ । सु॒गमि॑ति सु – गम् ।

च॒ मे॒ । मे॒ श॒य॒नम् () । श॒य॒नम् च॑ । च॒ मे॒ । मे॒ सू॒षा । सू॒षा च॑ ।

सू॒षेति॑ सु – उ॒षा । च॒ मे॒ । मे॒ सु॒दि॒नम् । सु॒दि॒नम् च॑ ।

सु॒दि॒नमि॑ति सु – दि॒नम् । च॒ मे॒ । म॒ इति॑ मे ॥ 6 (58/64)

(वि॒श्वम् च॑ – श॒य॒न – म॒ष्टौ च॑) (A3)

T.S. 4.7.4.1 - Kramam

ऊ॒र्क् च॑ । च॒ मे॒ । मे॒ सू॒नृ॒ता॑ । सू॒नृ॒ता च॑ । च॒ मे॒ । मे॒ प॒यः॑ ।

प॒यश्च॑ । च॒ मे॒ । मे॒ र॒सः॑ । र॒सश्च॑ । च॒ मे॒ । मे॒ घृ॒तम् । घृ॒तम् च॑ ।

च॒ मे॒ । मे॒ म॒धु॑ । म॒धु च॑ । च॒ मे॒ । मे॒ स॒ग्धिः॑ । स॒ग्धिश्च॑ । च॒ मे॒ ।

मे॒ स॒पी॒तिः॑ । स॒पी॒तिश्च॑ । स॒पी॒तिरि॒ति स – पी॒तिः॑ । च॒ मे॒ ।

मे॒ कृ॒षिः॑ । कृ॒षिश्च॑ । च॒ मे॒ । मे॒ वृ॒ष्टिः॑ । वृ॒ष्टिश्च॑ । च॒ मे॒ ।

मे॒ जै॒त्रम्॑ । जै॒त्रम् च॑ । च॒ मे॒ । म॒ औ॒द्भि॒द्यम्॑ । औ॒द्भि॒द्यम् च॑ ।

औ॒द्भि॒द्यमि॒त्यौत् – भि॒द्यम्॑ । च॒ मे॒ । मे॒ र॒यिः॑ । र॒यिश्च॑ । च॒ मे॒ ।

मे॒ रा॒यः॑ । रा॒यश्च॑ । च॒ मे॒ । मे॒ पु॒ष्टम्॑ । पु॒ष्टम् च॑ । च॒ मे॒ । मे॒ पु॒ष्टिः॑ ।

पु॒ष्टिश्च॑ । च॒ मे॒ । मे॒ वि॒भु॑ । वि॒भु॑ च॑ । वि॒भ्वि॑ति॒ वि - भु॑ ।

च॒ मे॒ । 7 (50/53)

T.S. 4.7.4.2 - Kramam

मे॒ प्र॒भु॑ । प्र॒भु॑ च॑ । प्र॒भ्वि॑ति॒ प्र - भु॑ । च॒ मे॒ । मे॒ बहु॑ । बहु॑ च॑ ।
 च॒ मे॒ । मे॒ भू॒यः॑ । भू॒यश्च॑ । च॒ मे॒ । मे॒ पू॒र्णम्॑ । पू॒र्णम्॑ च॑ । च॒ मे॒ ।
 मे॒ पू॒र्ण॑तरम् । पू॒र्ण॑तरम् च॑ । पू॒र्ण॑तर॒मि॑ति॒ पू॒र्ण - त॒रम्॑ । च॒ मे॒ ।
 मे॒ऽक्षि॑तिः । अ॒क्षि॑तिश्च॑ । च॒ मे॒ । मे॒ कू॒य॒वाः॑ । कू॒य॒वाश्च॑ । च॒ मे॒ ।
 मे॒ऽन्न॑म् । अ॒न्नम् च॑ । च॒ मे॒ । मे॒ऽक्षु॑त् । अ॒क्षु॑च् च॑ । च॒ मे॒ । मे॒
 व्री॒ह॒यः॑ । व्री॒ह॒यश्च॑ । च॒ मे॒ । मे॒ य॒वाः॑ । य॒वाश्च॑ । च॒ मे॒ । मे॒ मा॒षाः॑ ।
 मा॒षाश्च॑ । च॒ मे॒ । मे॒ ति॒लाः॑ । ति॒लाश्च॑ । च॒ मे॒ । मे॒ मु॒द्गाः॑ ।
 मु॒द्गाश्च॑ । च॒ मे॒ । मे॒ ख॒ल्वाः॑ । ख॒ल्वाश्च॑ । च॒ मे॒ । मे॒ गो॒धू॒माः॑ ।
 गो॒धू॒माश्च॑ । च॒ मे॒ । मे॒ म॒सुराः॑ () । म॒सुराश्च॑ । च॒ मे॒ ।
 मे॒ प्रि॒यङ्ग॑वः । प्रि॒यङ्ग॑वश्च॑ । च॒ मे॒ । मे॒ऽण॑वः । अ॒ण॑वश्च॑ । च॒ मे॒ ।
 मे॒ श्या॒मा॒काः॑ । श्या॒मा॒काश्च॑ । च॒ मे॒ । मे॒ नी॒वा॒राः॑ । नी॒वा॒राश्च॑ ।
 च॒ मे॒ । म॒ इति॑ मे ॥ 8 (64/66)

(वि॒भु॑ च॑ - म॒सुरा॑ - श्व॒तु॒र्द॒श॑ च॑) (A4)

चतुर्थ काण्डे – सप्तमः प्रश्नः – (TS 4.7)

T.S. 4.7.5.1 - Kramam

अ॒श्मा॑ च॒ । च॒ मे॒ । मे॒ मृ॒त्तिका॑ । मृ॒त्तिका॑ च॒ । च॒ मे॒ । मे॒ गि॒रयः॑ ।
गि॒रयश्च॑ । च॒ मे॒ । मे॒ पर्व॑ताः । पर्व॑ताश्च॒ । च॒ मे॒ । मे॒ सि॒कताः॑ ।
सि॒कताश्च॑ । च॒ मे॒ । मे॒ वन॑स्पतयः । वन॑स्पतयश्च॒ । च॒ मे॒ ।
मे॒ हि॒रण्य॑म् । हि॒रण्य॑म् च॒ । च॒ मे॒ । मे॒ऽयः॑ । अ॒यश्च॑ । च॒ मे॒ ।
मे॒ सी॒सम्॑ । सी॒सम् च॑ । च॒ मे॒ । मे॒ त्र॒पु॑ । त्र॒पुश्च॑ । च॒ मे॒ ।
मे॒ श्या॒मम् । श्या॒मम् च॑ । च॒ मे॒ । मे॒ लो॒हम् । लो॒हम् च॑ । च॒ मे॒ ।
मे॒ऽग्निः॑ । अ॒ग्निश्च॑ । च॒ मे॒ । म॒ आ॒पः । आ॒पश्च॑ । च॒ मे॒ ।
मे॒ वी॒रुधः॑ । वी॒रुधश्च॑ । च॒ मे॒ । म॒ ओष॑धयः । ओष॑धयश्च॒ । च॒ मे॒ ।
मे॒ कृ॒ष्ट॒प॒च्य॑म् । कृ॒ष्ट॒प॒च्य॑म् च॒ () । कृ॒ष्ट॒प॒च्य॑मि॒ति॑ कृ॒ष्ट – प॒च्य॑म् ।
च॒ मे॒ । ९ (50/51)

T.S. 4.7.5.2 - Kramam

मे॒ऽकृ॒ष्ट॒प॒च्य॑म् । अ॒कृ॒ष्ट॒प॒च्य॑म् च॒ । अ॒कृ॒ष्ट॒प॒च्य॑मि॒त्य॑कृ॒ष्ट – प॒च्य॑म् ।
च॒ मे॒ । मे॒ ग्रा॒म्याः॑ । ग्रा॒म्याश्च॑ । च॒ मे॒ । मे॒ प॒शवः॑ । प॒शव॑ आ॒र॒ण्याः॑ ।
आ॒र॒ण्याश्च॑ । च॒ य॒ज्ञेन॑ । य॒ज्ञेन॑ क॒ल्प॒न्ता॑म् । क॒ल्प॒न्ता॑म् वि॒त्त॑म् ।
वि॒त्त॑म् च॒ । च॒ मे॒ । मे॒ वि॒त्तिः॑ । वि॒त्तिश्च॑ । च॒ मे॒ । मे॒ भू॒तम् ।

तैत्तिरीय संहिता क्रम पाठे (TS 4.7)

भू॒तम् च॑ । च॒ मे॒ । मे॒ भू॒तिः॑ । भू॒तिश्च॑ । च॒ मे॒ । मे॒ वसु॑ । वसु॑ च॑ ।
च॒ मे॒ । मे॒ वस॑तिः । वस॑तिश्च॑ । च॒ मे॒ । मे॒ कर्म॑ । कर्म॑ च॑ । च॒ मे॒ ।
मे॒ शक्तिः॑ । शक्तिश्च॑ । च॒ मे॒ । मे॒ऽर्त्थः॑ । अ॒र्त्थश्च॑ । च॒ मे॒ । म॒ ए॒मः॑ ।
ए॒मश्च॑ । च॒ मे॒ । म॒ इतिः॑ । इतिश्च॑ । च॒ मे॒ । मे॒ गतिः॑ । गतिश्च॑ ।
च॒ मे॒ । म॒ इति॑ मे ॥ 10 (48/49)

(कृ॒ष्ट॒प॒च्यम् च॑ - ऽष्टा॑च॒त्वारि॑ञ्श॒च्च) (A5)

T.S. 4.7.6.1 - Kramam

अ॒ग्निश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ सोमः॑ । सोमश्च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ स॒वि॒ता । स॒वि॒ता च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ स॒र॒स्व॒ती । स॒र॒स्व॒ती च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ पू॒षा । पू॒षा च॑ । च॒ मे॒ ।
म॒ इन्द्रः॑ । इन्द्रश्च॑ । च॒ मे॒ । मे॒ बृ॒ह॒स्प॒तिः॑ । बृ॒ह॒स्प॒तिश्च॑ । च॒ मे॒ ।
म॒ इन्द्रः॑ । इन्द्रश्च॑ । च॒ मे॒ । मे॒ मि॒त्रः॑ । मि॒त्रश्च॑ । च॒ मे॒ । म॒ इन्द्रः॑ ।
इन्द्रश्च॑ । च॒ मे॒ । मे॒ व॒रु॒णः॑ । व॒रु॒णश्च॑ । च॒ मे॒ । म॒ इन्द्रः॑ । इन्द्रश्च॑ ।
च॒ मे॒ । मे॒ त्व॒ष्टा॑ ॥ त्व॒ष्टा च॑ । च॒ मे॒ । 11 (50/50)

चतुर्थ काण्डे – सप्तमः प्रश्नः – (TS 4.7)

T.S. 4.7.6.2 - Kramam

म॒ इन्द्रः॑ । इन्द्रश्च॑ । च॒ मे॒ । मे॒ धा॒ता । धा॒ता च॑ । च॒ मे॒ । म॒ इन्द्रः॑ ।
इन्द्रश्च॑ । च॒ मे॒ । मे॒ विष्णुः॑ । विष्णुश्च॑ । च॒ मे॒ । म॒ इन्द्रः॑ । इन्द्रश्च॑ ।
च॒ मे॒ । मे॒ऽश्विनौ॑ । अ॒श्विनौ॑ च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
मे॒ मरुतः॑ । मरुतश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ विश्वे॑ ।
विश्वे॑ च॑ । च॒ मे॒ । मे॒ दे॒वाः । दे॒वा इन्द्रः॑ । इन्द्रश्च॑ । च॒ मे॒ ।
मे॒ पृथि॒वी । पृथि॒वी च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
मे॒ऽन्तरिक्षम्॑ । अ॒न्तरिक्षम्॑ च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
मे॒ द्यौः॑ । द्यौश्च॑ । च॒ मे॒ () । म॒ इन्द्रः॑ । इन्द्रश्च॑ । च॒ मे॒ । मे॒ दि॒शः॑ ।
दि॒शश्च॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ मूर्द्धा॑ । मूर्द्धा॑ च॑ ।
च॒ मे॒ । म॒ इन्द्रः॑ । इन्द्रश्च॑ । च॒ मे॒ । मे॒ प्र॒जाप॒तिः । प्र॒जाप॒तिश्च॑ ।
प्र॒जाप॒तिरि॒ति प्र॒जा – प॒तिः॑ । च॒ मे॒ । म॒ इन्द्रः॑ । इन्द्रश्च॑ । च॒ मे॒ ।
म॒ इति॑ मे॒ ॥ 12 (71/72)

(त्वष्टा॑ च – द्यौश्च॑ म – एकविंशतिश्च॑) (A6)

T.S. 4.7.7.1 - Kramam

अ॒ञ्शु॑श्च । च॒ मे॒ । मे॒ र॒श्मिः॑ । र॒श्मिश्च॑ । च॒ मे॒ । मे॒ऽदा॑भ्यः ।
 अ॒दा॑भ्यश्च । च॒ मे॒ । मे॒ऽधि॑पतिः । अधि॑पतिश्च ।
 अधि॑पतिरित्यधि॑ - प॒तिः॑ । च॒ मे॒ । म॒ उ॒पा॒ञ्शुः॑ । उ॒पा॒ञ्शुश्च॑ ।
 उ॒पा॒ञ्शु॑रित्युप॑ - अ॒ञ्शुः॑ । च॒ मे॒ । मे॒ऽन्त॑र्यामः । अ॒न्त॑र्यामश्च ।
 अ॒न्त॑र्याम इत्यन्तः॑ - या॒मः॑ । च॒ मे॒ । म॒ ऐ॒न्द्र॑वायवः । ऐ॒न्द्र॑वायवश्च ।
 ऐ॒न्द्र॑वायव इत्यै॒न्द्र॑-वायवः॑ । च॒ मे॒ । मे॒ मै॒त्रा॒व॒रु॒णः॑ । मै॒त्रा॒व॒रु॒णश्च॑ ।
 मै॒त्रा॒व॒रु॒ण इति॑ मै॒त्रा - व॒रु॒णः॑ । च॒ मे॒ । म॒ आ॒श्वि॒नः॑ । आ॒श्वि॒नश्च॑ ।
 च॒ मे॒ । मे॒ प्र॒ति॒प्र॒स्थानः॑ । प्र॒ति॒प्र॒स्थानश्च॑ । प्र॒ति॒प्र॒स्थान इति॑
 प्र॒ति - प्र॒स्थानः॑ । च॒ मे॒ । मे॒ शु॒क्रः॑ । शु॒क्रश्च॑ । च॒ मे॒ । मे॒ म॒न्थी॑ ।
 म॒न्थी च॑ । च॒ मे॒ । म॒ आ॒ग्र॒यणः॑ । आ॒ग्र॒यणश्च॑ । च॒ मे॒ ।
 मे॒ वै॒श्व॒दे॒वः॑ । वै॒श्व॒दे॒वश्च॑ । वै॒श्व॒दे॒व इति॑ वै॒श्व - दे॒वः॑ । च॒ मे॒ ।
 मे॒ ध्रु॒वः॑ । ध्रु॒वश्च॑ । च॒ मे॒ । मे॒ वै॒श्वान॑रः । वै॒श्वान॑रश्च । च॒ मे॒ ।
 म॒ ऋ॒तु॒ग्र॒हाः॑ । ऋ॒तु॒ग्र॒हाश्च॑ () । ऋ॒तु॒ग्र॒हा इत्यृ॑तु - ग्र॒हाः॑ ।
 च॒ मे॒ । 13 (50/58)

चतुर्थ काण्डे – सप्तमः प्रश्नः – (TS 4.7)

T.S. 4.7.7.2 - Kramam

मेऽति॑ग्रा॒ह्याः॑ । अ॒ति॒ग्रा॒ह्या॑श्च । अ॒ति॒ग्रा॒ह्या॑ इत्यति॑ – ग्रा॒ह्याः॑ । च॒ मे॒ ।
म॒ ऐ॒न्द्रा॒ग्नः॑ । ऐ॒न्द्रा॒ग्नश्च॑ । ऐ॒न्द्रा॒ग्न इत्यै॑न्द्र – अ॒ग्नः॑ । च॒ मे॒ ।
मे॒ वै॒श्वदे॑वः । वै॒श्वदे॑वश्च । वै॒श्वदे॑व इति॑ वैश्व – दे॒वः॑ । च॒ मे॒ ।
मे॒ म॒रु॒त्वती॑याः॑ । म॒रु॒त्वती॑याश्च॑ । च॒ मे॒ । मे॒ मा॒हेन्द्रः॑ । मा॒हेन्द्रश्च॑ ।
मा॒हेन्द्र इति॑ माहा – इन्द्रः॑ । च॒ मे॒ । म॒ आ॒दित्यः॑ । आ॒दित्यश्च॑ ।
च॒ मे॒ । मे॒ सा॒वित्रः॑ । सा॒वित्रश्च॑ । च॒ मे॒ । मे॒ सा॒रस्वतः॑ ।
सा॒रस्वतश्च॑ । च॒ मे॒ । मे॒ पौ॒ष्णः॑ । पौ॒ष्णश्च॑ । च॒ मे॒ । मे॒ पा॒त्नीव॑तः ।
पा॒त्नीव॑तश्च॑ । पा॒त्नीव॑त इति॑ पात्नी – व॒तः॑ । च॒ मे॒ । मे॒ हा॒रियो॑जनः ।
हा॒रियो॑जनश्च॑ । हा॒रियो॑जन इति॑ हारि – यो॒जनः॑ । च॒ मे॒ ।
म॒ इति॑ मे॒ ॥ 14 (34/40)

(ऋ॒तु॒ग्रहा॑श्च – च॒तु॒स्त्रि॑ञ्च) (A7)

T.S. 4.7.8.1 - Kramam

इ॒ध्मश्च॑ । च॒ मे॒ । मे॒ ब॒रु॒हिः॑ । ब॒रु॒हिश्च॑ । च॒ मे॒ । मे॒ वे॒दिः॑ ।
वे॒दिश्च॑ । च॒ मे॒ । मे॒ धि॒ष्णि॑याः । धि॒ष्णि॑याश्च॑ । च॒ मे॒ । मे॒ सु॒चः॑ ।
सु॒चश्च॑ । च॒ मे॒ । मे॒ च॒म॒साः॑ । च॒म॒साश्च॑ । च॒ मे॒ । मे॒ ग्रा॒वाणः॑ ।

ग्रा॒वा॒णश्च॑ । च॒ मे॒ । मे॒ स्वर॑वः । स्वर॑वश्च । च॒ मे॒ । म॒ उ॒पर॑वाः ।
 उ॒पर॑वाश्च । उ॒पर॑वा इत्यु॒प - र॒वाः । च॒ मे॒ । मे॒ऽधि॑षवणे ।
 अ॒धि॑षवणे च । अ॒धि॑षवणे इत्यधि॑ - स॒वने॑ । च॒ मे॒ ।
 मे॒ द्रो॒णक॒लशः॑ । द्रो॒णक॒लशश्च॑ । द्रो॒णक॒लश॑ इति॑ द्रो॒ण-क॒लशः॑ ।
 च॒ मे॒ । मे॒ वा॒यव्या॑नि । वा॒यव्या॑नि च । च॒ मे॒ । मे॒ पू॒तभृ॑त् ।
 पू॒तभृ॑च् च । पू॒तभृ॑दिति॑ पू॒त-भृ॑त् । च॒ मे॒ । म॒ आ॒ध॒व॒नी॒यः॑ ।
 आ॒ध॒व॒नी॒यश्च॑ । आ॒ध॒व॒नी॒य इत्या॑ - ध॒व॒नी॒यः॑ । च॒ मे॒ ।
 म॒ आ॒ग्नी॑द्ध्रम् । आ॒ग्नी॑द्ध्रम् च । आ॒ग्नी॑द्ध्र॒मित्या॑ग्नि॑ - इ॒द्ध्रम्॑ ।
 च॒ मे॒ । मे॒ ह॒वि॒र्द्धान॑म् । ह॒वि॒र्द्धान॑म् च । ह॒वि॒र्द्धान॑मिति॑
 ह॒विः॑ - धान॑म् । च॒ मे॒ । मे॒ गृ॒हाः॑ । गृ॒हाश्च॑ () । च॒ मे॒ । मे॒ स॒दः॑ ।
 स॒दश्च॑ । च॒ मे॒ । मे॒ पु॒रो॒डा॒शाः॑ । पु॒रो॒डा॒शाश्च॑ । च॒ मे॒ । मे॒ प॒च॒ताः॑ ।
 प॒च॒ताश्च॑ । च॒ मे॒ । मे॒ऽव॑भृथः । अ॒व॒भृ॑थश्च ।
 अ॒व॒भृ॑थ इत्यव॑ - भृथः । च॒ मे॒ । मे॒ स्व॒गा॒का॒रः॑ । स्व॒गा॒का॒रश्च॑ ।
 स्व॒गा॒का॒र इति॑ स्व॒गा - का॒रः॑ । च॒ मे॒ ।
 म॒ इति॑ मे ॥ 15 (66/75) (गृ॒हाश्च॑ - षोड॑श च) (A8)

T.S. 4.7.9.1 - Kramam

अ॒ग्निश्च॑ । च॒ मे॒ । मे॒ घ॒र्मः॑ । घ॒र्मश्च॑ । च॒ मे॒ । मे॒ऽर्कः॑ । अ॒र्कश्च॑ ।
च॒ मे॒ । मे॒ सूर्यः॑ । सूर्यश्च॑ । च॒ मे॒ । मे॒ प्रा॒णः॑ । प्रा॒णश्च॑ ।
प्रा॒ण इति॑ प्र – अ॒नः॑ । च॒ मे॒ । मे॒ऽश्व॒मे॒धः॑ । अ॒श्व॒मे॒धश्च॑ । अ॒श्व॒मे॒ध
इत्य॑श्च–मे॒धः॑ । च॒ मे॒ । मे॒ पृ॒थि॒वी॑ । पृ॒थि॒वी च॑ । च॒ मे॒ । मे॒ऽदि॒तिः॑ ।
अ॒दि॒तिश्च॑ । च॒ मे॒ । मे॒ दि॒तिः॑ । दि॒तिश्च॑ । च॒ मे॒ । मे॒ द्यौः॑ । द्यौश्च॑ ।
च॒ मे॒ । मे॒ श॒क्व॒रीः॑ । श॒क्व॒रीर॒ङ्गु॒लयः॑ । अ॒ङ्गु॒लयो॑ दि॒शः॑ ।
दि॒शश्च॑ । च॒ मे॒ । मे॒ य॒ज्ञेन॑ । य॒ज्ञेन॑ क॒ल्प॒न्ता॒म् । क॒ल्प॒न्ता॒मृक् ।
ऋक् च॑ । च॒ मे॒ । मे॒ सा॒म॑ । सा॒म च॑ । च॒ मे॒ । मे॒ स्तो॒मः॑ ।
स्तो॒मश्च॑ । च॒ मे॒ । मे॒ य॒जुः॑ । य॒जुश्च॑ । च॒ मे॒ । मे॒ दी॒क्षा () । दी॒क्षा
च॑ । च॒ मे॒ । मे॒ तपः॑ । तपश्च॑ । च॒ मे॒ । म॒ ऋ॒तुः॑ । ऋ॒तुश्च॑ । च॒ मे॒ ।
मे॒ व्र॒तम् । व्र॒तम् च॑ । च॒ मे॒ । मे॒ऽहो॒रा॒त्रयोः॑ । अ॒हो॒रा॒त्रयो॑र् वृ॒ष्ट्या॑ ।
अ॒हो॒रा॒त्रयो॑रि॒त्यहः॑ – रा॒त्रयोः॑ । वृ॒ष्ट्या॑ बृ॒ह॒द्र॒थ॒न्त॒रे॑ । बृ॒ह॒द्र॒थ॒न्त॒रे च॑ ।
बृ॒ह॒द्र॒थ॒न्त॒रे इति॑ बृ॒ह॒त् – र॒थ॒न्त॒रे॑ । च॒ मे॒ । मे॒ य॒ज्ञेन॑ ।
य॒ज्ञेन॑ क॒ल्पे॒ता॒म् । क॒ल्पे॒ता॒मि॒ति॑ क॒ल्पे॒ता॒म् ॥ 16 (68/72)

(दीक्षाऽ – षादश च) (A9)

T.S. 4.7.10.1 - Kramam

गर्भा॑श्च । च॒ मे॒ । मे॒ व॒थ्साः॑ । व॒थ्साश्च॑ । च॒ मे॒ । मे॒ त्र्य॒विः॑ ।
 त्र्य॒विश्च॑ । त्र्य॒वि॒रिति॑ त्रि - अ॒विः॑ । च॒ मे॒ । मे॒ त्र्य॒वी॑ । त्र्य॒वी च॑ ।
 त्र्य॒वीति॑ त्रि - अ॒वी॑ । च॒ मे॒ । मे॒ दि॒त्य॒वाट् । दि॒त्य॒वाट् च॑ ।
 दि॒त्य॒वाडिति॑ दि॒त्य - वाट् । च॒ मे॒ । मे॒ दि॒त्यौ॒ही॑ । दि॒त्यौ॒ही च॑ ।
 च॒ मे॒ । मे॒ पञ्चा॒विः॑ । पञ्चा॒विश्च॑ । पञ्चा॒वि॒रिति॑ पञ्च - अ॒विः॑ ।
 च॒ मे॒ । मे॒ पञ्चा॒वी॑ । पञ्चा॒वी च॑ । पञ्चा॒वीति॑ पञ्च - अ॒वी॑ ।
 च॒ मे॒ । मे॒ त्रि॒व॒थ्सः॑ । त्रि॒व॒थ्सश्च॑ । त्रि॒व॒थ्स इति॑ त्रि - व॒थ्सः॑ ।
 च॒ मे॒ । मे॒ त्रि॒व॒थ्सा॑ । त्रि॒व॒थ्सा च॑ । त्रि॒व॒थ्सेति॑ त्रि - व॒थ्सा॑ ।
 च॒ मे॒ । मे॒ तु॒र्य॒वाट् । तु॒र्य॒वाट् च॑ । तु॒र्य॒वाडिति॑ तु॒र्य - वाट् । च॒ मे॒ ।
 मे॒ तु॒र्यौ॒ही॑ । तु॒र्यौ॒ही च॑ । च॒ मे॒ । मे॒ प॒ष्ठ॒वात् । प॒ष्ठ॒वाच् च॑ ।
 प॒ष्ठ॒वाडिति॑ प॒ष्ठ - वात् । च॒ मे॒ । मे॒ प॒ष्ठौ॒ही॑ । प॒ष्ठौ॒ही च॑ । च॒ मे॒ ।
 म॒ उ॒क्षा॑ । उ॒क्षा च॑ । च॒ मे॒ । मे॒ व॒शा॑ । व॒शा च॑ । च॒ मे॒ ।
 म॒ ऋ॒ष॒भः॑ । ऋ॒ष॒भश्च॑ () । च॒ मे॒ । 17 (50/59)

चतुर्थ काण्डे – सप्तमः प्रश्नः – (TS 4.7)

T.S. 4.7.10.2 - Kramam

मे वे॒हत् । वे॒हच् च॑ । च॒ मे॒ । मे॒ऽन॒ड्वान् । अ॒न॒ड्वान् च॑ । च॒ मे॒ ।
मे॒ धे॒नुः । धे॒नुश्च॑ । च॒ मे॒ । म॒ आ॒युः । आ॒युर् य॒ज्ञेन॑ । य॒ज्ञेन॑
क॒ल्पता॑म् । क॒ल्पता॑म् प्रा॒णः । प्रा॒णो य॒ज्ञेन॑ । प्रा॒ण इति॑ प्र – अ॒नः ।
य॒ज्ञेन॑ क॒ल्पता॑म् । क॒ल्पता॑मपा॒नः । अ॒पानो॑ य॒ज्ञेन॑ । अ॒पान
इत्य॑प-अ॒नः । य॒ज्ञेन॑ क॒ल्पता॑म् । क॒ल्पता॑म् व्या॒नः । व्या॒नो य॒ज्ञेन॑ ।
व्या॒न इति॑ वि – अ॒नः । य॒ज्ञेन॑ क॒ल्पता॑म् । क॒ल्पता॑म् चक्षुः॑ । चक्षु॑र्
य॒ज्ञेन॑ । य॒ज्ञेन॑ क॒ल्पता॑म् । क॒ल्पता॑ञ् श्रो॒त्रम् । श्रो॒त्रम् य॒ज्ञेन॑ ।
य॒ज्ञेन॑ क॒ल्पता॑म् । क॒ल्पता॑म् म॒नः । म॒नो य॒ज्ञेन॑ । य॒ज्ञेन॑ क॒ल्पता॑म् ।
क॒ल्पता॑म् वाक् । वाग् य॒ज्ञेन॑ । य॒ज्ञेन॑ क॒ल्पता॑म् । क॒ल्पता॑मा॒त्मा ।
आ॒त्मा य॒ज्ञेन॑ । य॒ज्ञेन॑ क॒ल्पता॑म् । क॒ल्पता॑म् य॒ज्ञः । य॒ज्ञो य॒ज्ञेन॑ ।
य॒ज्ञेन॑ क॒ल्पता॑म् । क॒ल्पता॑मिति॑ क॒ल्पता॑म् ॥ 18 (40/43)

(ऋषभश्च – चत्वारिंशच्च) (A10)

T.S. 4.7.11.1 - Kramam

एका॑ च । च॒ मे॒ । मे॒ तिस्रः॑ । तिस्रश्च॑ । च॒ मे॒ । मे॒ पञ्च॑ ।
पञ्च॑ च । च॒ मे॒ । म॒ सप्त॑ । सप्त॑ च । च॒ मे॒ । मे॒ नव॑ । नव॑ च ।

च॒ मे॒ । म॒ ए॒का॒द॒श॒ । ए॒का॒द॒श॒ च॒ । च॒ मे॒ । मे॒ त्रयो॑द॒श॒ । त्रयो॑द॒श॒
 च॒ । त्रयो॑द॒शे॒ति॒ त्रयः॑ – द॒श॒ । च॒ मे॒ । मे॒ पञ्च॑द॒श॒ । पञ्च॑द॒श॒ च॒ ।
 पञ्च॑द॒शे॒ति॒ पञ्च॑ – द॒श॒ । च॒ मे॒ । मे॒ स॒प्त॑द॒श॒ । स॒प्त॑द॒श॒ च॒ ।
 स॒प्त॑द॒शे॒ति॒ स॒प्त॑ – द॒श॒ । च॒ मे॒ । मे॒ नव॑द॒श॒ । नव॑द॒श॒ च॒ ।
 नव॑द॒शे॒ति॒ नव॑ – द॒श॒ । च॒ मे॒ । म॒ एक॑वि॒ंश॒तिः॑ । एक॑वि॒ंश॒तिश्च॑ ।
 एक॑वि॒ंश॒तिरि॒त्येक॑ – वि॒ंश॒तिः॑ । च॒ मे॒ । मे॒ त्रयो॑वि॒ंश॒तिः॑ ।
 त्रयो॑वि॒ंश॒तिश्च॑ । त्रयो॑वि॒ंश॒तिरि॒ति॒ त्रयः॑ – वि॒ंश॒तिः॑ । च॒ मे॒ ।
 मे॒ पञ्च॑वि॒ंश॒तिः॑ । पञ्च॑वि॒ंश॒तिश्च॑ । पञ्च॑वि॒ंश॒तिरि॒ति॒
 पञ्च॑–वि॒ंश॒तिः॑ । च॒ मे॒ । मे॒ स॒प्त॑वि॒ंश॒तिः॑ । स॒प्त॑वि॒ंश॒तिश्च॑ ।
 स॒प्त॑वि॒ंश॒तिरि॒ति॒ स॒प्त॑ – वि॒ंश॒तिः॑ । च॒ मे॒ । मे॒ नव॑वि॒ंश॒तिः॑ ।
 नव॑वि॒ंश॒तिश्च॑ । नव॑वि॒ंश॒तिरि॒ति॒ नव॑ – वि॒ंश॒तिः॑ । च॒ मे॒ ।
 म॒ एक॑त्रि॒ंश॒त् । एक॑त्रि॒ंश॒च् च॒ । एक॑त्रि॒ंश॒दि॒त्येक॑ – त्रि॒ंश॒त् ।
 च॒ मे॒ । मे॒ त्रय॑स्त्रि॒ंश॒त् । त्रय॑स्त्रि॒ंश॒च् च॒ () ।
 त्रय॑स्त्रि॒ंश॒दि॒ति॒ त्रयः॑ – त्रि॒ंश॒त् । च॒ मे॒ । 19 (50/61)

चतुर्थ काण्डे – सप्तमः प्रश्नः – (TS 4.7)

T.S. 4.7.11.2 - Kramam

मे॒ च॒त॒स्रः॑ । च॒त॒स्रश्च॑ । च॒ मे॒ । मे॒ऽष्टौ॑ । अ॒ष्टौ च॑ । च॒ मे॒ । मे॒ द्वा॒दश॑ ।
द्वा॒दश॑ च॒ । च॒ मे॒ । मे॒ षोड॑श । षोड॑श च॒ । च॒ मे॒ । मे॒ वि॒ंश॒तिः॑ ।
वि॒ंश॒तिश्च॑ । च॒ मे॒ । मे॒ चतु॑र्विंश॒तिः॑ । चतु॑र्विंश॒तिश्च॑ ।
चतु॑र्विंश॒तिरिति॑ चतुः – वि॒ंश॒तिः॑ । च॒ मे॒ । मे॒ऽष्टा॒विंश॒तिः॑ ।
अ॒ष्टा॒विंश॒तिश्च॑ । अ॒ष्टा॒विंश॒तिरित्य॑ष्टा – वि॒ंश॒तिः॑ । च॒ मे॒ । मे॒
द्वा॒त्रिंश॑त् । द्वा॒त्रिंश॑च् च॒ । च॒ मे॒ । मे॒ षट्त्रिं॑शत् । षट्त्रिं॑शच्च॒ ।
षट्त्रिं॑श॒दिति॑ षट् – त्रिंश॑त् । च॒ मे॒ । मे॒ च॒त्वारिं॑शत् ।
च॒त्वारिं॑शच्च॒ च॒ । च॒ मे॒ । मे॒ चतु॑श्चत्वारिंशत् ।
चतु॑श्चत्वारिंशच्च॒ च॒ । चतु॑श्चत्वारिंश॒दिति॑ चतुः – च॒त्वारिं॑शत् ।
च॒ मे॒ । मे॒ऽष्टा॒चत्वारिं॑शत् । अ॒ष्टा॒चत्वारिं॑शच्च॒ ।
अ॒ष्टा॒चत्वारिं॑श॒दित्य॑ष्टा – च॒त्वारिं॑शत् । च॒ मे॒ । मे॒ वा॒जः॑ । वा॒जश्च॑ ।
च॒ प्र॒स॒वः॑ । प्र॒स॒वश्च॑ । प्र॒स॒व इति॑ प्र – स॒वः॑ । चा॒पि॒जः॑ । अ॒पि॒जश्च॑ ।
अ॒पि॒ज इत्य॑पि – जः॑ । च॒ क्र॒तुः॑ । क्र॒तुश्च॑ । च॒ सु॒वः॑ । सु॒वश्च॑ ।
च॒ मूर्द्धा॑ । मूर्द्धा॑ च॒ । च॒ व्य॒श्जि॒यः॑ () । व्य॒श्जि॒यश्च॑ । व्य॒श्जि॒य इति॑
वि – अ॒श्जि॒यः॑ । चा॒न्त्या॒य॒नः॑ । आ॒न्त्या॒य॒नश्च॑ । चा॒न्त्यः॑ । अ॒न्त्यश्च॑ ।

च भौ॒वनः॑ । भौ॒वनश्च॑ । च भु॒वनः॑ । भु॒वनश्च॑ । चाधि॑पतिः ।

अधि॑पतिश्च । अधि॑पतिरित्यधि॑ - प॒तिः॑ । चेति॑ च ॥ 20 (61/70)

(त्रय॑स्त्रि॒ंशच्च॑ - व्य॒ङ्गि॒ज्य॑ - एका॑दश च) (A11)

T.S. 4.7.12.1 - Kramam

वाजो॑ नः । नः स॒प्त । स॒प्त प्र॒दिशः॑ । प्र॒दिशश्च॑तस्रः । प्र॒दिश॒ इति॑

प्र - दि॒शः॑ । चत॑स्रो वा । वा प॒राव॑तः । प॒राव॑त इति॑ परा - व॑तः ॥

वाजो॑ नः । नो॒ विश्वैः॑ । विश्वै॑र् दे॒वैः । दे॒वैर् धन॑सातौ । धन॑सातावि॒ह ।

धन॑सातावि॒ति धन॑ - सा॒तौ । इ॒हाव॑तु । अ॒व॒त्वित्य॑वतु ॥ विश्वे॑ अ॒द्य ।

अ॒द्य म॒रुतः॑ । म॒रुतो॑ विश्वे॑ । विश्व॑ ऊ॒ती । ऊ॒ती विश्वे॑ । विश्वे॑ भवन्तु ।

भव॑न्त्व॒ग्नयः॑ । अ॒ग्नयः॑ समि॒द्धाः । समि॑द्धा इति॑ सम् - इ॒द्धाः ॥ विश्वे॑

नः । नो॒ दे॒वाः । दे॒वा अव॑सा । अव॑सा । आ ग॑मन्तु । ग॒मन्तु॑ विश्व॑म् ।

विश्व॑मस्तु । अ॒स्तु द्र॑विणम् । द्र॑विणम् वा॒जः । वाजो॑ अ॒स्मे । अ॒स्मे

इत्य॑स्मे ॥ वा॒जस्य॑ प्र॒स॒वम् । प्र॒स॒वम् दे॒वाः । प्र॒स॒वमि॑ति प्र-स॒वम् ।

दे॒वा रथैः॑ । रथै॑र् यात । या॒ता हिर॑ण्ययैः । हिर॑ण्ययैरिति॑ हिर॑ण्ययैः ॥

अ॒ग्निरि॑न्द्रः । इ॒न्द्रो बृ॑ह॒स्पतिः॑ । बृ॑ह॒स्पति॑र् म॒रुतः॑ ।

म॒रुतः॑ सोम॑पीतये । सोम॑पीतय इति॑ सोम॑ - पी॒तये॑ ॥ वा॒जेवा॑जेऽव॑त ।

वाजे॑वाज॑ इति॑ वाजे॑ – वाजे॑ । अव॑त वाजि॑नः । वाजि॑नो नः॑ ।

नो॑ धने॑षु () । धने॑षु वि॒प्राः । 21 (50/54)

T.S. 4.7.12.2 - Kramam

वि॒प्रा अ॒मृताः॑ । अ॒मृता॑ ऋ॒तज्ञाः॑ । ऋ॒तज्ञा॑ इत्यृ॒त – ज्ञाः॑ ॥

अ॒स्य म॒ध्वः॑ । म॒ध्वः॑ पि॒बत॑ । पि॒बत॑ मा॒दय॑ध्वम् । मा॒दय॑ध्वम्

तृ॒प्ताः । तृ॒प्ता या॑त । या॒त प॒थिभिः॑ । प॒थिभिर् दे॒वयानैः॑ । प॒थिभि॒रिति॑

प॒थि – भिः॑ । दे॒वयानै॒रिति॑ दे॒व – यानैः॑ । वाजः॑ पु॒रस्तात्॑ ।

पु॒रस्ता॑दु॒त । उ॒त म॒द्ध्यतः॑ । म॒द्ध्यतो॑ नः॑ । नो॑ वाजः॑ । वाजो॑

दे॒वान् । दे॒वाꣳ ऋ॒तुभिः॑ । ऋ॒तुभिः॑ क॒ल्पया॑ति । ऋ॒तुभि॒रित्यृ॒तु-भिः॑ ।

क॒ल्पया॑तीति॑ क॒ल्पया॑ति ॥ वाज॑स्य॒ हि । हि प्र॑स॒वः ।

प्र॒सवो॑ नन्नमीति॑ । प्र॒सव॑ इति॑ प्र – स॒वः । नन्नमीति॑ वि॒श्वाः ।

वि॒श्वा आ॑शाः । आ॑शा वाज॑पतिः । वाज॑पतिर् भवे॒यम् । वाज॑पति॒रिति॑

वाज॑ – प॒तिः । भ॒वे॒यमिति॑ भवे॒यम् ॥ प॒यः पृ॒थिव्या॑म् । पृ॒थिव्या॑म्

प॒यः । प॒य ओष॑धीषु । ओष॑धीषु प॒यः । प॒यो दि॒वि । दि॒व्यन्त॑रि॒क्षे ।

अ॒न्त॑रि॒क्षे प॒यः । प॒यो धाम् । धा॒मिति॑ धाम् ॥ प॒यस्व॑तीः प्र॒दिशः॑ ।

प्र॒दिशः॑ स॒न्तु । प्र॒दिश॑ इति॑ प्र – दि॒शः । स॒न्तु म॒ह्यम्॑ ।

म॒ह्यमि॒ति॒ म॒ह्यम् ॥ सम्॑ मा॑ । मा॒ सृ॒जामि॑ । सृ॒जामि॑ प॒यसा॑ । प॒यसा॑
घृ॒तेन॑ । घृ॒तेन॑ सम् । सम्॑ मा॑ । मा॒ सृ॒जामि॑ । सृ॒जाम्य॒पः () ।

अ॒प ओष॑धीभिः । 22 (50/55)

T.S. 4.7.12.3 - Kramam

ओष॑धीभि॒रित्योष॑धि - भिः ॥ सोऽ॒हम् । अ॒हम् वा॑जम् ॥
वाज॑ꣳ स॒नेय॑म् । स॒नेय॑म॒ग्ने । अ॒ग्ने इ॒त्यग्ने॑ ॥ न॒क्तोषा॑सा॒ सम॑नसा ।
सम॑नसा॒ विरू॑पे । सम॑न॒सेति॑ स - म॒नसा॑ । विरू॑पे धा॒पये॑ते ।
विरू॑पे इति॒ वि - रू॒पे । धा॒पये॑ते शि॒शुम् । धा॒पये॑ते इति॒ धा॒पये॑ते ।
शि॒शुमे॑कम् ॥ ए॒कꣳ स॒मीची॑ । स॒मीची॑ इति॒ समी॑ची ॥ द्यावा॑ क्षाम॑ ।
क्षामा॑ रु॒क्मः । रु॒क्मो अ॒न्तः । अ॒न्तर् वि । वि भा॑ति । भा॒ति दे॒वाः ।
दे॒वा अ॒ग्निम् । अ॒ग्निम् धा॑रयन् । धा॒रय॑न् द्र॒विणो॑दाः ।
द्र॒विणो॑दा इति॒ द्र॒विणः॑ - दाः ॥ स॒मुद्रो॑ऽसि । अ॒सि न॑भस्वान् ।
न॑भस्वाना॒र्द्रदानुः॑ । आ॒र्द्रदानुः॑ श॒म्भूः । आ॒र्द्रदानु॑रित्या॒र्द्र - दानुः॑ ।
श॒म्भूर् म॒योभूः॑ । श॒म्भूरि॑ति॒ शम् - भूः॑ । म॒योभू॑रभि । म॒योभू॑रिति॒
म॒यः - भूः॑ । अ॒भि मा॑ । मा॒ वा॒हि । वा॒हि स्वा॑हा । स्वा॒हा मा॑रुतः ।
मा॑रुतो॑ऽसि । अ॒सि म॑रुताम् ॥ म॑रुताम् ग॒णः । ग॒णः श॒म्भूः ।

चतुर्थ काण्डे – सप्तमः प्रश्नः – (TS 4.7)

श॒म्भूर् म॒यो॒भूः । श॒म्भूरि॑ति श॒म् – भूः । म॒यो॒भूर॑भि । म॒यो॒भूरि॑ति
म॒यः – भूः । अ॒भि मा॑ ॥ मा॒ वा॒हि॑ । वा॒हि॑ स्वाहा॑ ॥ स्वाहा॑ऽव॒स्युः ।
अ॒व॒स्यु॑र॒सि । अ॒सि॑ दु॒वस्वा॑न् । दु॒वस्वा॑ञ्छ॒म्भूः । श॒म्भूर् म॒यो॒भूः ।
श॒म्भूरि॑ति श॒म् – भूः । म॒यो॒भूर॑भि । म॒यो॒भूरि॑ति म॒यः – भूः ।
अ॒भि मा॑ () ॥ मा॒ वा॒हि॑ । वा॒हि॑ स्वाहा॑ ॥

स्वाहेति॑ स्वाहा॑ ॥ 23 (52/62)

(धने॑ – ष्वपो – दु॒वस्वा॑ञ्छ॒म्भूर्म॒यो॒भूर॑भि मा॒ – द्वे च॑) (A12)

T.S. 4.7.13.1 - Kramam

अ॒ग्नि॑म् यु॒न॒ज्मि॑ । यु॒न॒ज्मि॑ श॒वसा॑ । श॒वसा॑ घृ॒तेन॑ । घृ॒तेन॑ दि॒व्यम् ।
दि॒व्यं सु॑प॒र्णम् । सु॑प॒र्णम् व॑यसा॑ । सु॑प॒र्णमि॑ति सु॒ – प॒र्णम् ।
व॒यसा॑ बृ॒हन्त॑म् । बृ॒हन्त॑मि॒ति बृ॒हन्त॑म् ॥ तेन॑ व॒यम् । व॒यम् प॑तेम ।
प॒तेम॑ ब्र॒द्धन्स्य॑ । ब्र॒द्धन्स्य॑ वि॒ष्टप॑म् । वि॒ष्टप॑ सु॒वः ।
सु॒वो रु॑हाणाः । रु॒हाणा॑ अ॒धि । अ॒धि ना॑के॑ ॥ ना॒क उत्त॑मे । उत्त॑म
इत्यु॑त् – त॒मे ॥ इ॒मौ ते॑ ॥ ते॒ प॒क्षौ । प॒क्षाव॑ज॒रौ । अ॒ज॒रौ प॑त॒त्रिणः॑ ।
प॒त॒त्रिणो॑ या॒भ्याम् । या॒भ्यां र॑क्षा॒सि । र॑क्षा॒स्यप॑ह॒सि ।
अ॒प॒ह॒स्यग्ने॑ । अ॒प॒ह॒सीत्य॑प – ह॒सि । अ॒ग्न इत्य॑ग्ने ॥

॥ ताभ्याम् प॒तेम॑ । प॒तेम॑ सु॒कृता॑म् । सु॒कृता॑मु॒ । सु॒कृता॑मि॒ति॑
 सु - कृ॒ताम्॑ । उ॒ लो॒कम्॑ । लो॒कम्॑ य॒त्र॑ । य॒त्रर्ष॑यः ।
 ऋ॒षयः॑ प्रथ॒मजाः॑ । प्रथ॒मजा॑ ये । प्रथ॒मजा॑ इति॒ प्रथ॑म - जाः ।
 ये पु॒राणाः॑ । पु॒राणा॑ इति॒ पु॒राणाः॑ ॥ चि॒दसि॑ । अ॒सि॒ स॒मु॒द्रयो॑निः ।
 स॒मु॒द्रयो॑नि॒रिन्दुः॑ । स॒मु॒द्रयो॑नि॒रिति॑ स॒मु॒द्र - यो॒निः॑ । इ॒न्दुर् दक्षः॑ ।
 दक्षः॑ श्ये॒नः॑ । श्ये॒न ऋ॒तावा॑ ॥ ऋ॒तावे॑त्य॒त - वा॑ ॥ हि॒रण्य॑पक्षः
 शकु॒नः॑ । हि॒रण्य॑पक्ष इति॒ हि॒रण्य॑ - प॒क्षः॑ । शकु॒नो भु॑रण्युः ।
 भु॒रण्युर् म॒हान्॑ । म॒हान्थ् स॒धस्थे॑ ॥ स॒धस्थे॑ ध्रु॒वः॑ ।
 स॒धस्थ॑ इति॒ स॒ध - स्थे॑ । ध्रु॒व आ । 24 (50/57)

T.S. 4.7.13.2 - Kramam

आ निष॑त्तः । निष॑त्त इति॒ नि - स॒त्तः॑ ॥ नम॑स्ते । ते अ॒स्तु॑ । अ॒स्तु॑
 मा । मा मा॑ ॥ मा हि॒॒सीः॑ । हि॒॒सीर् विश्व॑स्य । विश्व॑स्य मूर्द्ध॒न् ।
 मूर्द्ध॒न्नधि॑ । अधि॑ तिष्ठसि । तिष्ठ॑सि श्रि॒तः॑ । श्रि॒त इति॑ श्रि॒तः॑ ॥
 स॒मु॒द्रे ते॑ ॥ ते हृ॒दय॑म् । हृ॒दय॑म॒न्तः॑ । अ॒न्तरा॑युः । आ॒युर् द्यावा॑पृथि॒वी ।
 द्यावा॑पृथि॒वी भु॒वने॑षु । द्यावा॑पृथि॒वी इति॑ द्यावा॑ - पृथि॒वी ।
 भु॒वने॑ष्वर्पि॑ते । अर्पि॑ते इत्यर्पि॑ते ॥ उ॒द्नो॑ दत्त । द॒त्तो॒दधि॑म् ।

चतुर्थ काण्डे – सप्तमः प्रश्नः – (TS 4.7)

उ॒द॒धि॒म् भि॒न्त । उ॒द॒धि॒मि॒त्यु॒द॒धि॒म् । भि॒न्त॒ दि॒वः । दि॒वः प॒र्ज॒न्यात् ॥
प॒र्ज॒न्या॒द॒न्त॒रि॒क्षात् । अ॒न्त॒रि॒क्षात् पृ॒थि॒व्याः । पृ॒थि॒व्या॒स्त॒तः । ततो॑ नः ।
नो॒ वृ॒ष्ट्या ॥ वृ॒ष्ट्या॒ऽव॒त । अ॒व॒ते॒त्य॒व॒त ॥ दि॒वो मू॒र्धा । मू॒र्धा॒ऽसि॑ ।
अ॒सि॒ पृ॒थि॒व्या । पृ॒थि॒व्या ना॒भिः । ना॒भि॒रू॒र्क् । ऊ॒र्ग॒पाम् ।
अ॒पा॒मोष॑धीनाम् । ओष॑धीना॒मित्योष॑धीनाम् ॥ वि॒श्वा॒युः श॒र्म ।
वि॒श्वा॒यु॒रि॒ति॑ वि॒श्व – आ॒युः । श॒र्म स॒प्र॒थाः । स॒प्र॒था॒ नमः॑ ।
स॒प्र॒था॒ इति॑ स – प्र॒थाः । नम॑स्पथे । प॒थ इति॑ पथे ॥ येन॑र्षयः ।
ऋ॒षय॑स्तपसा । तपसा॑ स॒त्रम् । स॒त्रमा॑सत । 25 (50/54)

T.S. 4.7.13.3 - Kramam

आ॒स॒ते॒न्धा॒नाः । इ॒न्धा॒ना अ॒ग्नि॒म् । अ॒ग्नि॒ऽसु॒वः । सु॒व॒रा॒भ॒र॒न्तः ।
आ॒भ॒र॒न्त॒ इत्या॑ – भ॒र॒न्तः ॥ तस्मि॑न्न॒हम् । अ॒हम् नि॑ । नि॒ द॒धे ।
द॒धे ना॒के ॥ ना॒के अ॒ग्नि॒म् । अ॒ग्नि॒मे॒तम् । ए॒तम् य॑म् । यमा॒हुः ।
आ॒हुर् मन॑वः । मन॑वः स्ती॒र्ण॒बर्हि॑षिम् । स्ती॒र्ण॒बर्हि॑षमि॒ति
स्ती॒र्ण – बर्हि॑षम् ॥ तम् प॒त्नी॑भिः । प॒त्नी॑भिर॒नु । अनु॑ गच्छेम ।
ग॒च्छेम॑ दे॒वाः । दे॒वाः पु॒त्रैः । पु॒त्रैर् भ्रा॑तृभिः । भ्रा॑तृभि॒रु॒त ।
भ्रा॑तृभि॒रिति॑ भ्रा॑तृ – भिः । उ॒त वा॑ । वा॒ हिर॑ण्यैः ।

हिरण्यैरिति॑ हिरण्यैः॑ ॥ नाकम्॑ गृह्णा॒नाः । गृह्णा॒नाः सुकृ॒तस्य॑ ।
सुकृ॒तस्य॑ लो॒के । सुकृ॒तस्येति॑ सु - कृ॒तस्य॑ । लो॒के तृ॒तीये॑ ॥
तृ॒तीये॑ पृ॒ष्ठे । पृ॒ष्ठे अधि॑ । अधि॑ रोच॒ने । रोच॒ने दि॒वः ।
दि॒व इति॑ दि॒वः ॥ आ वा॒चः । वा॒चो मद्ध्यम्॑ ॥ मद्ध्य॑मरुहत् ।
अ॒रुहद् भु॒रण्युः । भु॒रण्युरयम्॑ । अ॒यम॒ग्निः । अ॒ग्निः सत्प॑तिः ।
सत्प॑तिश्चेकि॒तानः॑ । सत्प॑तिरिति॑ सत् - प॒तिः । चेकि॑तान॒ इति॑
चेकि॑तानः ॥ पृ॒ष्ठे पृथि॑व्याः । पृथि॑व्या निहि॒तः । निहि॑तो दवि॒द्युतत्॑ ।
निहि॑त॒ इति॑ नि - हि॒तः । दवि॑द्युतदधस्प॒दम् । अ॒धस्प॒दम् कृ॑णुते ।
अ॒धस्प॒दमित्य॑धः - प॒दम् । कृ॑णुते॒ ये । 26 (50/55)

T.S. 4.7.13.4 - Kramam

ये पृ॒त॒न्यवः॑ । पृ॒त॒न्यव॑ इति॑ पृ॒त॒न्यवः॑ ॥ अ॒यम॒ग्निः । अ॒ग्निर् वी॒रत॑मः ।
वी॒रत॑मो वयो॒धाः । वी॒रत॑म॒ इति॑ वी॒र - त॒मः । वयो॒धाः स॒हस्रि॑यः ।
वयो॒धा इति॑ वयः - धाः । स॒हस्रि॑यो दी॒प्यता॑म् । दी॒प्यता॑मप्र॒युच्छन्॑ ।
अप्र॒युच्छ॑न्नित्य॒प्र - यु॒च्छन् ॥ वि॒भ्राज॑मानः सरि॒रस्य॑ । वि॒भ्राज॑मान॒
इति॑ वि - भ्राज॑मानः । स॒रि॒रस्य॑ मद्ध्यै॑ ॥ मद्ध्य॑ उप । उप॒ प्र ।
प्र या॑त । या॒त दि॒व्यानि॑ । दि॒व्यानि॑ धाम॑ । धामेति॑ धाम॑ ॥ सम् प्र ।

चतुर्थ काण्डे – सप्तमः प्रश्नः – (TS 4.7)

प्र च्यवद्धम् । च्यवद्धमनु । अनु सम् । सम् प्र । प्र यात । याताग्ने ।
अग्ने पथः । पथो देवयानान् । देवयानान् कृणुद्ध्वम् । देवयानानिति
देव – यानान् । कृणुद्ध्वमिति कृणुद्ध्वम् ॥ अस्मिन्थ सधस्थे ।
सधस्थे अधि । सधस्थ इति सध – स्थे । अद्ध्युत्तरस्मिन् ।
उत्तरस्मिन् विश्वे ॥ उत्तरस्मिन्नित्युत् – तरस्मिन् । विश्वे देवाः ।
देवा यजमानः । यजमानश्च । च सीदत । सीदतेति सीदत ॥
येना सहस्रम् । सहस्रम् वहसि । वहसि येन । येनाग्ने ।
अग्ने सर्ववेदसम् । सर्ववेदसमिति सर्व – वेदसम् । तेनेमम् । इमम्
यज्ञम् । यज्ञम् नः । नो वह । वह देवयानः । देवयानो यः () ।
देवयान इति देव – यानः । य उत्तमः । 27 (50/57)

T.S. 4.7.13.5 - Kramam

उत्तम इत्युत् – तमः । उद् बुद्ध्यस्व । बुद्ध्यस्वाग्ने । अग्ने प्रति ।
प्रति जागृहि । जागृह्येनम् । एनमिष्टापूर्ते । इष्टापूर्ते सम् । इष्टापूर्ते
इतीष्टा – पूर्ते । सञ् सृजेथाम् । सृजेथामयम् । अयम् च ।
चेति च ॥ पुनः कृण्वन् । कृण्वन्स्त्वा ॥ त्वा पितरम् ।
पितरम् युवानम् । युवानमन्वाताञ्सीत् । अन्वाताञ्सीत् त्वयि ।

अ॒न्वा॒ता॒ऽसी॒दित्य॑नु - आ॒ता॒ऽसी॒त् । त्वयि॑ तन्तु॒म् । तन्तु॑मे॒तम् ।
 ए॒तमित्ये॒तम् ॥ अ॒यम् ते॑ । ते॒ योनिः॑ । योनि॑र् ऋ॒त्वियः॑ । ऋ॒त्वियो॑
 यतः॑ । यतो॑ जा॒तः । जा॒तो अरो॑चथाः । अरो॑चथा॒ इत्यरो॑चथाः ॥
 तम् जा॒नन् । जा॒नन्नग्ने॑ । अ॒ग्न आ॑ । आ रो॑ह । रो॒हाथ॑ । अथा॑ नः ।
 नो वर्द्ध॑य । वर्द्ध॑या र॒यिम् । र॒यिमिति॑ र॒यिम् ॥ 28 (37/39)

(ध्रुवः - सत्रम् - कृणुते - यः - सप्तत्रिंशच्च) (A13)

T.S. 4.7.14.1 - Kramam

ममा॑ग्ने । अ॒ग्ने वर्चः॑ । वर्चो॑ वि॒ह॒वेषु॑ । वि॒ह॒वेष्वस्तु॑ । वि॒ह॒वेष्विति॑
 वि - ह॒वेषु॑ । अ॒स्तु व॒यम् । व॒यम् त्वा॑ । त्वे॒न्धानाः॑ । इ॒न्धाना॑
 स्त॒नुव॑म् । त॒नुव॑म् पु॒षेम॑ । पु॒षेमे॑ति पु॒षेम॑ ॥ म॒ह्यम् न॑मन्ताम् ।
 न॒मन्ता॑म् प्र॒दिशः॑ । प्र॒दिशश्च॑तस्रः । प्र॒दिश॑ इति प्र - दि॒शः ।
 च॒तस्र॑स्त्वया । त्वया॑ऽद॒ध्यक्षे॑ण । अ॒द॒ध्यक्षे॑ण पृ॒तनाः॑ ।
 अ॒द॒ध्यक्षे॑णे॒त्यधि॑ - अ॒क्षे॒ण । पृ॒तना॑ ज॒येम॑ । ज॒येमे॑ति ज॒येम॑ ॥
 मम॑ दे॒वाः । दे॒वा वि॒ह॒वे । वि॒ह॒वे स॑न्तु । वि॒ह॒व इति॑ वि - ह॒वे ।
 स॒न्तु सर्वे॑ । सर्व॑ इन्द्रा॒वन्तः॑ । इन्द्रा॒वन्तो म॑रुतः ।
 इन्द्रा॒वन्त॑ इतीन्द्र - व॒न्तः । म॒रुतो॑ विष्णुः ।

चतुर्थ काण्डे – सप्तमः प्रश्नः – (TS 4.7)

विष्णु॑र॒ग्निः । अ॒ग्निरि॒त्यग्निः ॥ म॒मान्तरि॑क्षम् । अ॒न्तरि॑क्षमु॒रु । उ॒रु
गो॒पम् । गो॒पम॑स्तु । अ॒स्तु म॒ह्यम् ॥ म॒ह्यम् वा॑तः । वा॑तः प॒वता॑म् ।
प॒वता॑म् का॒मै ॥ का॒मै अ॒स्मिन् । अ॒स्मिन्नित्य॑स्मिन् ॥ म॒यि दे॒वाः ।
दे॒वा द्र॑विणम् । द्र॑विण॒मा । आ य॑जन्ताम् । य॒जन्ता॑म् म॒यि ।
म॒य्याशीः॑ । आ॒शीर॑स्तु । आ॒शीरि॒त्या – शीः॑ । अ॒स्तु म॒यि ।
म॒यि दे॒वहू॑तिः । दे॒वहू॑तिरि॒ति दे॒व – हू॑तिः ॥ दै॒व्या हो॑तारा ।
हो॑तारा वनिषन्त । व॒निष॑न्त॒ पूर्वे ॥ 29 (50/56)

T.S. 4.7.14.2 - Kramam

पूर्वे॑ऽरि॒ष्टाः । अ॒रि॒ष्टाः स्या॑म । स्या॑म त॒नुवा॑ ॥ त॒नुवा॑ सु॒वीराः॑ । सु॒वीरा॑
इति॑ सु – वी॒राः ॥ म॒ह्यम् य॑जन्तु । य॒जन्तु॑ म॒म । म॒म या॑नि । या॑नि
ह॒व्या । ह॒व्याऽऽकू॑तिः । आ॒कू॑तिः स॒त्या । आ॒कू॑तिरि॒त्या – कू॑तिः ।
स॒त्या म॑नसः । म॑नसो मे । मे अ॒स्तु । अ॒स्त्वित्य॑स्तु ॥ ए॒नो मा॑ ।
मा॑ नि । नि गा॑म् । गा॑म् क॒तम॑त् । क॒तम॑च् च॒न । च॒नाह॑म् । अ॒हम्
वि॒श्वे ॥ वि॒श्वे दे॒वासः॑ । दे॒वासो॑ अ॒धि । अ॒धि वो॑चत । वो॒चता॑ मे ।
म॒ इति॑ मे ॥ दे॒वीः ष॒डुर्वीः॑ । ष॒डुर्वी॑रु॒रु । ष॒डुर्वी॑रि॒ति षट् – उ॒र्वीः ।
उ॒रुणः॑ । नः कृ॒णो॑त् । कृ॒णो॑त् वि॒श्वे ॥ वि॒श्वे दे॒वासः॑ । दे॒वास॑ इ॒ह ।

इ॒ह वी॒रय॑द्ध्वम् । वी॒रय॑द्ध्वमि॒ति वी॒रय॑द्ध्वम् ॥ मा हा॑स्महि ।
हा॑स्महि प्र॒जया॑ ॥ प्र॒जया॑ मा । प्र॒जये॑ति प्र - जया॑ ॥ मा त॒नूभिः॑ ।
त॒नूभिर् मा । मा र॑धाम । र॒धाम॑ द्विष॒ते । द्विष॒ते सो॑म । सो॒म रा॒जन् ।
रा॒जन्नि॑ति राजन् ॥ अ॒ग्निर् म॒न्युम् । म॒न्युम् प्र॑तिनु॒दन् । प्र॑तिनु॒दन्
पु॒रस्ता॑त् ॥ प्र॑तिनु॒दन्नि॑ति प्रति - नु॒दन् । पु॒रस्ता॑दद॒ब्धः ॥ 30 (50/54)

T.S. 4.7.14.3 - Kramam

अद॑ब्धो गो॒पाः । गो॒पाः परि॑ । गो॒पा इति॑ गो - पाः । परि॑ पाहि ।
पा॒हि नः॑ । न॒स्त्वम् । त्वमि॑ति त्वम् ॥ प्र॒त्यञ्चो॑ यन्तु । य॒न्तु नि॒गुतः॑ ।
नि॒गुतः॑ पुनः॑ । नि॒गुत॑ इति॑ नि - गुतः॑ । पुन॒स्ते । तेऽमा॑ । अ॒मैषाम्॑ ॥
ए॒षाम् चि॒त्तम् । चि॒त्तम् प्र॒बुधा॑ ॥ प्र॒बुधा॑ वि । प्र॒बुधे॑ति प्र - बुधा॑ ॥
वि नेश॑त् । नेश॑दिति॑ नेशत् ॥ धा॒ता धा॑तृ॒णाम् । धा॑तृ॒णाम् भु॑वनस्य ।
भु॑वनस्य॒ यः । यस्पतिः॑ । पति॑र् दे॒वम् । दे॒व् स॑वि॒तारम्॑ ॥
स॒वि॒तार॑मभिमातिषाहम् ॥ अ॒भि॒मा॒ति॒षाह॑मित्यभिमाति - साहम् ॥
इ॒मम् य॑ज्ञम् । य॒ज्ञम॑श्चिना॑ ॥ अ॒श्चि॒नो॒भा । उ॒भा बृ॑ह॒स्पतिः॑ ।
बृ॑ह॒स्पति॑ दे॒वाः । दे॒वाः पा॑न्तु । पा॒न्तु य॑जमानम् ।
य॑जमानम् न्य॒र्थात् । न्य॒र्था॑दिति॑ नि - अ॒र्थात् ॥ उ॒रु॒व्य॑चा॒ नः ।

चतुर्थ काण्डे – सप्तमः प्रश्नः – (TS 4.7)

उ॒रु॒व्य॒चा॒ इत्यु॒रु – व्य॒चाः॑ । नो॒ म॒हि॒षः॑ । म॒हि॒षः॑ शर्म । शर्म
य॒स॒त् । य॒स॒द॒स्मिन् । अ॒स्मिन्॑ ह॒वे॑ ॥ ह॒वे॑ पु॒रु॒हू॒तः॑ । पु॒रु॒हू॒तः॑
पु॒रु॒क्षु॑ । पु॒रु॒हू॒त इति॑ पु॒रु – हू॒तः॑ । पु॒रु॒क्ष्वि॒ति॑ पु॒रु॒क्षु॑ ॥ स॒ नः॑ । नः॑
प्र॒जा॒यै॑ ॥ प्र॒जा॒यै॑ ह॒र्य॒श्च॑ । प्र॒जा॒या इति॑ प्र – जा॒यै॑ ॥ ह॒र्य॒श्च॑ मृ॒ड॒य॑ ।
ह॒र्य॒श्चेति॑ ह॒रि – अ॒श्च॑ । मृ॒ड॒येन्द्र॑ । इन्द्र॑ मा () ।

मा नः॑ । 31 (50/57)

T.S. 4.7.14.4 - Kramam

नो॒ री॒रि॒षः॑ । री॒रि॒षो॒ मा॑ । मा॒ परा॑ । परा॑ दाः । दा॒ इति॑ दाः ॥
ये॒ नः॑ । नः॑ स॒प॒त्नाः॑ ॥ स॒प॒त्ना॒ अप॑ । अप॒ ते॑ । ते॒ भव॑न्तु ।
भव॑न्त्विन्द्रा॒ग्नि॒भ्याम्॑ ॥ इन्द्रा॒ग्नि॒भ्याम॑व ।
इन्द्रा॒ग्नि॒भ्यामि॒तीन्द्रा॒ग्नि – भ्याम्॑ । अव॑ बा॒धाम॑हे । बा॒धाम॑हे॒ तान्॑ ।
तानि॑ति॒ तान्॑ ॥ व॒स॒वो॒ रु॒द्राः॑ । रु॒द्रा आ॑दि॒त्याः॑ । आ॒दि॒त्या
उ॒परि॒स्पृ॒शम्॑ ॥ उ॒परि॒स्पृ॒शम्॑ मा॑ । उ॒परि॒स्पृ॒शमि॒त्यु॒परि – स्पृ॒शम्॑ ॥
मो॒ग्रम्॑ । उ॒ग्रम्॑ चे॒त्तार॑म् । चे॒त्तार॑मधि॒रा॒जम्॑ । अ॒धि॒रा॒जम॑क्रन् ।
अ॒धि॒रा॒जमि॒त्यधि॑ – रा॒जम्॑ । अ॒क्र॒न्ति॒त्यक्र॑न् ॥ अ॒र्वाञ्च॑मिन्द्र॑म् ॥
इन्द्र॑म॒मु॒तः॑ । अ॒मु॒तो॑ ह॒वाम॑हे । ह॒वाम॑हे॒ यः॑ । यो॒ गो॒जि॒त् ।

गोजिद् धनजित् । गोजिदिति गो - जित् । धनजिदश्चजित् ।
 धनजिदिति धन - जित् । अश्चजिद् यः । अश्चजिदित्यश्च - जित् ।
 य इति यः ॥ इमम् नः । नो यज्ञम् । यज्ञम् विहवे ।
 विहवे जुषस्व । विहव इति वि-हवे । जुषस्वास्य । अस्य कुर्मः ।
 कुर्मो हरिवः । हरिवो मेदिनम् । हरिव इति हरि - वः ।
 मेदिनम् त्वा । त्वेति त्वा ॥ 32 (43/51)

(वनिषन्त - पुरस्तान् - मा - त्रिचत्वारिंशच्च) (A14)

T.S. 4.7.15.1 - Kramam

अग्नेर् मन्वे । मन्वे प्रथमस्य । प्रथमस्य प्रचेतसः । प्रचेतसो यम् ।
 प्रचेतस इति प्र-चेतसः । यम् पाञ्चजन्यम् । पाञ्चजन्यम् बहवः ।
 पाञ्चजन्यमिति पाञ्च - जन्यम् । बहवः समिन्धते । समिन्धत
 इति सम् - इन्धते ॥ विश्वस्याम् विशि । विशि प्रविविशिवाँसम् ।
 प्रविविशिवाँसमीमहे । प्रविविशिवाँसमिति प्र-विविशिवाँसम् ।
 ईमहे सः । स नः । नो मुञ्चतु । मुञ्चत्वँहसः ।
 अँहस इत्यँहसः ॥ यस्येदम् । इदम् प्राणत् । प्राणन्निमिषत् ।
 प्राणदिति प्र - अनत् । निमिषद् यत् । निमिषदिति नि - मिषत् ।

चतुर्थ काण्डे – सप्तमः प्रश्नः – (TS 4.7)

यदे॒जति॑ । ए॒जति॑ यस्य॑ । यस्य॑ जा॒तम् । जा॒तम् जन॑मानम् ।
जन॑मानम् च । च॒ के॒वलम् । के॒वल॒मिति॑ के॒वलम् ॥ स्तौ॑म्य॒ग्निम् ।
अ॒ग्निम् ना॑थि॒तः । ना॑थि॒तो जो॑ह॒वीमि॑ । जो॒ह॒वीमि॑ सः । स नः॑ ।
नो॒ मुञ्च॑तु । मुञ्च॑त्व॒हसः॑ । अ॒हस॑ इत्य॒हसः॑ ॥ इन्द्र॑स्य॒ मन्ये॑ ।
मन्ये॑ प्र॒थम॑स्य॒ । प्र॒थम॑स्य॒ प्रचे॑तसः । प्रचे॑तसो वृ॒त्रघ्नः॑ । प्रचे॑तस॒
इति॑ प्र – चे॒तसः॑ । वृ॒त्रघ्नः॑ स्तो॒माः ॥ वृ॒त्रघ्न॑ इति॒ वृत्र॑ – घ्नः ।
स्तो॒मा उप॑ । उप॒ माम् । मा॒मुपा॑गुः । उ॒पागु॑रित्युप – आ॒गुः ।
यो दा॒शुषः॑ । दा॒शुषः॑ सु॒कृतः॑ । सु॒कृतो॑ ह॒वम् । सु॒कृत॑ इति॒
सु – कृतः॑ । ह॒वमु॑प । उप॒ गन्ता॑ । गन्ता॒ सः ॥ 33 (50/58)

T.S. 4.7.15.2 - Kramam

स नः॑ । नो॒ मुञ्च॑तु । मुञ्च॑त्व॒हसः॑ । अ॒हस॑ इत्य॒हसः॑ ॥
यः स॒ङ्ग्रा॒मम् । स॒ङ्ग्रा॒मम् न॑यति । स॒ङ्ग्रा॒ममि॑ति॒ सम् – ग्रा॒मम् ।
न॑यति॒ सम् । सम् व॑शी । व॒शी यु॒धे । यु॒धे यः॑ । यः पु॒ष्टानि॑ ।
पु॒ष्टानि॑ स॒सृज॑ति । स॒सृज॑ति॒ त्रया॑णि । स॒सृज॑तीति॒
सम् – सृ॑जति । त्रया॑णीति॒ त्रया॑णि ॥ स्तौ॑मीन्द्र॒म् । इन्द्र॑म् नाथि॒तः ।
ना॑थि॒तो जो॑ह॒वीमि॑ । जो॒ह॒वीमि॑ सः । स नः॑ । नो॒ मुञ्च॑तु ।

मुञ्च॒त्व॒ह॒सः॑ । अ॒ह॒स॒ इत्य॒ह॒सः॑ ॥ म॒न्वे॑ वा॒म् ।
वा॒म् मि॒त्रा॒व॒रु॒णा । मि॒त्रा॒व॒रु॒णा तस्य॑ । मि॒त्रा॒व॒रु॒णेति॑ मि॒त्रा-व॒रु॒णा ।
तस्य॑ वि॒त्तम् । वि॒त्त॒ञ् सत्यौ॑जसा । सत्यौ॑जसा दृ॒ह॒णा ।
सत्यौ॑ज॒सेति॑ सत्य॑ - ओ॒ज॒सा । दृ॒ह॒णा यम् । यम् नु॒देथे॑ । नु॒देथे॑
इति॑ नु॒देथे॑ ॥ या राजा॑नम् । राजा॑न॒ञ् सर॒थम् । सर॒थम् या॒थः ।
सर॒थमि॑ति स - रथ॑म् । या॒थ उ॒ग्रा । उ॒ग्रा ता । ता नः॑ ।
नो मुञ्च॑तम् । मुञ्च॑त॒माग॑सः । आग॑स॒ इत्या॑गसः ॥ यो वा॒म् ।
वा॒ञ् रथः॑ । रथ॑ ऋ॒जुर॑श्मिः । ऋ॒जुर॑श्मिः सत्य॑धर्मा ।
ऋ॒जुर॑श्मि॒रित्यृ॑जु - र॒श्मिः । सत्य॑धर्मा मिथु॑ । सत्य॑ध॒र्मेति॑
सत्य॑ - धर्मा॑ । मिथु॑श्चरन्तम् । चरन्त॑मुप॒याति॑ । उप॒याति॑ दूष॒यन् ।
उप॒यातीत्यु॑प - याति॑ । दूष॒यन्निति॑ दूष॒यन् ॥

स्तौमि॑ मि॒त्रा॒व॒रु॒णा । 34 (50/58)

T.S. 4.7.15.3 - Kramam

मि॒त्रा॒व॒रु॒णा नाथि॑तः । मि॒त्रा॒व॒रु॒णेति॑ मि॒त्रा - व॒रु॒णा । नाथि॑तो
जो॒ह॒वीमि॑ । जो॒ह॒वीमि॑ तौ । तौ नः॑ । नो मुञ्च॑तम् । मुञ्च॑त॒माग॑सः ।
आग॑स॒ इत्या॑गसः ॥ वा॒योः सवि॑तुः । सवि॑तुर् वि॒दथा॑नि ।

चतुर्थ काण्डे – सप्तमः प्रश्नः – (TS 4.7)

वि॒द॒था॒नि॒ म॒न्म॒हे॑ । म॒न्म॒हे॑ यौ । या॒वा॒त्म॒न्वत् । आ॒त्म॒न्वद् बि॒भृ॒तः॑ ।
आ॒त्म॒न्वदि॒त्या॒त्म॒न् - वत् । बि॒भृ॒तो॒ यौ । यौ च॑ । च॒ रक्ष॑तः ।
रक्ष॑त॒ इति॑ रक्ष॑तः ॥ यौ विश्व॑स्य । विश्व॑स्य परि॒भू । परि॒भू ब॒भूव॑तुः ।
परि॒भू इति॑ परि - भू । ब॒भूव॑तुस्तौ । तौ नः॑ । नो॒ मुञ्च॑तम् ।
मुञ्च॑त॒माग॑सः । आग॑स॒ इत्या॑गसः ॥ उप॒ श्रेष्ठाः॑ । श्रेष्ठा॑ नः ।
न आ॒शिषः॑ । आ॒शिषो॑ दे॒वयोः॑ । आ॒शिष॒ इत्या॑ - शिषः॑ । दे॒वयो॑र्
ध॒र्म॑ । ध॒र्म॑ अ॒स्थिर॑न् । अ॒स्थिर॑न्नित्य॒स्थिर॑न् ॥ स्तौमि॑ वा॒युम् ।
वा॒युञ् स॒वि॒तार॑म् । स॒वि॒तार॑म् नाथि॒तः । नाथि॒तो जो॑हवीमि ।
जो॑हवीमि॒ तौ । तौ नः॑ । नो॒ मुञ्च॑तम् । मुञ्च॑त॒माग॑सः । आग॑स॒
इत्या॑गसः ॥ रथी॑त॒मौ रथी॑नाम् । रथी॑त॒मावि॑ति रथि - त॒मौ ।
रथी॑नाम॒हे । अ॒ह्व ऊ॒तये॑ । ऊ॒तये॑ शु॒भम् । शु॒भम् ग॑मिष्ठौ ।
ग॑मिष्ठौ सु॒यमे॑भिः । सु॒यमे॑भि॒रश्वैः॑ । सु॒यमे॑भि॒रिति॑ सु - यमे॑भिः ।
अश्वै॑रित्य॒श्वैः॑ ॥ ययो॑र् वाम् । 35 (50/56)

T.S. 4.7.15.4 - Kramam

वाम् दे॒वौ । दे॒वौ दे॒वेषु॑ । दे॒वेष्व॑नि॒शित॑म् । अनि॑शित॒मोजः॑ ।
अनि॑शित॒मित्य॑नि - शि॒तम् । ओज॑स्तौ । तौ नः॑ । नो॒ मुञ्च॑तम् ।

तैत्तिरीय संहिता क्रम पाठे (TS 4.7)

मुञ्च॑त॒मा॒ग॒सः॑ । आ॒ग॒स॒ इ॒त्या॒ग॒सः॑ ॥ य॒द॒या॒त॒म् । अ॒या॒त॒म् ॑व॒ह॒तु॒म् ।
व॒ह॒तु॒ञ् सूर्या॑याः ॥ सूर्या॑यास्त्रि॒च॒क्रेण॑ । त्रि॒च॒क्रेण॑ स॒ञ् सद॑म् ।
त्रि॒च॒क्रेणे॑ति त्रि - च॒क्रेण॑ । स॒ञ् सद॑मिच्छ॒मानौ॑ । स॒ञ् सद॑मि॒ति
स॒म्-सद॑म् । इ॒च्छ॒मा॒ना॒वि॒ती॒च्छ॒मा॒नौ॑ ॥ स्तौ॑मि॒ दे॒वौ । दे॒वा॒व॒श्वि॒नौ॑ ॥
अ॒श्वि॒नौ॑ नाथि॒तः । नाथि॒तो॑ जो॒ह॒वी॒मि॒ । जो॒ह॒वी॒मि॒ तौ॑ । तौ॑ नः॑ ।
नो॑ मुञ्च॑त॒म् । मुञ्च॑त॒मा॒ग॒सः॑ । आ॒ग॒स॒ इ॒त्या॒ग॒सः॑ ॥ म॒रु॒ता॒म् म॒न्वे॑ ।
म॒न्वे॑ अ॒धि । अ॒धि नः॑ । नो॑ ब्रु॒व॒न्तु॑ । ब्रु॒व॒न्तु॑ प्र । प्रे॒मा॒म् । इ॒मा॒म्
॑वा॒च॒म् । वा॒च॒म् ॑वि॒श्वाम्॑ । वि॒श्वाम॑व॒न्तु॑ । अ॒व॒न्तु॑ वि॒श्वे॑ ॥ वि॒श्व इ॒ति॒
वि॒श्वे॑ ॥ आ॒शून्॑ हु॒वे॑ । हु॒वे॑ सु॒य॒मा॒न् । सु॒य॒मा॒नू॒तये॑ । सु॒य॒मा॒नि॒ति
सु - य॒मा॒न् । ऊ॒तये॑ ते । ते॑ नः॑ । नो॑ मुञ्च॑न्तु॑ । मुञ्च॑त्वे॒न॒सः॑ ।
ए॒न॒स॒ इ॒त्ये॒न॒सः॑ ॥ ति॒ग्म॒मा॒यु॒ध॒म् । आ॒यु॒ध॒म् ॑वी॒डि॒त॒म् ।
वी॒डि॒त॒ञ् स॒ह॒स्व॒त् । स॒ह॒स्व॒द् दि॒व्य॒म् । दि॒व्य॒ञ् श॒र्द्धः॑ ।

श॒र्द्धः॑ पृ॒त॒ना॒सु॑ । 36 (50/54)

T.S. 4.7.15.5 - Kramam

पृ॒त॒ना॒सु॑ जि॒ष्णु॑ । जि॒ष्णिव॑ति जि॒ष्णु॑ ॥ स्तौ॑मि॒ दे॒वा॒न् । दे॒वा॒न् म॒रु॒तः॑ ।
म॒रु॒तो॑ नाथि॒तः । नाथि॒तो॑ जो॒ह॒वी॒मि॒ । जो॒ह॒वी॒मि॒ ते॑ । ते॑ नः॑ ।

चतुर्थ काण्डे – सप्तमः प्रश्नः – (TS 4.7)

नो मुञ्चन्तु । मुञ्चन्त्वेनसः । एनस इत्येनसः । देवानाम् मन्वे ।
मन्वे अधि । अधि नः । नो ब्रुवन्तु । ब्रुवन्तु प्र । प्रेमाम् । इमाम्
वाचम् । वाचम् विश्वाम् । विश्वामवन्तु । अवन्तु विश्वे । विश्व इति
विश्वे ॥ आशून् हुवे । हुवे सुयमान् । सुयमानूतये । सुयमानिति
सु – यमान् । ऊतये ते । ते नः । नो मुञ्चन्तु । मुञ्चन्त्वेनसः ।
एनस इत्येनसः ॥ यदिदम् । इदम् मा । माऽभिश्चोचति ।
अभिश्चोचति पौरुषेयेण । अभिश्चोचतीत्यभि – शोचति । पौरुषेयेण
दैव्येन । दैव्येनेति दैव्येन ॥ स्तौमि विश्वान् । विश्वान् देवान् । देवान्
नाथितः । नाथितो जोहवीमि । जोहवीमि ते । ते नः । नो मुञ्चन्तु ।
मुञ्चन्त्वेनसः । एनस इत्येनसः । अनु नः । नोऽद्य । अद्यानुमतिः ।
अनुमतिरनु । अनुमतिरित्यनु – मतिः । अन्वित् । 37 (50/53)

T.S. 4.7.15.6 - Kramam

इदनुमते । अनुमते त्वम् । अनुमत इत्यनु – मते । त्वम् वैश्वानरः ।
वैश्वानरो नः । न ऊत्या । ऊत्या पृष्टः । पृष्टो दिवि । दिवीति दिवि ॥
ये अप्रथेताम् । ये इति ये । अप्रथेताममितेभिः ।
अमितेभिरोजोभिः । ओजोभिर् ये । ओजोभिरित्योजः – भिः ।

तैत्तिरीय संहिता क्रम पाठे (TS 4.7)

ये प्रति॑ष्ठे । ये इति॑ ये । प्रति॑ष्ठे अभवताम् । प्रति॑ष्ठे इति प्रति – स्थे ।
अभवता॑म् वसू॑नाम् । वसू॑नामिति॑ वसू॑नाम् ॥ स्तौमि॑ द्यावापृथि॑वी ।
द्यावापृथि॑वी नाथि॑तः । द्यावापृथि॑वी इति॑ द्यावा – पृथि॑वी । नाथि॑तो
जो॑हविमी । जो॑हवीमि॑ ते । ते नः॑ । ते इति॑ ते । नो मुञ्च॑तम् ।
मुञ्च॑तम॒हसः॑ । अ॒हस॑ इत्य॒हसः॑ ॥ उर्वी॑ रोदसी । उर्वी॑ इत्युर्वी॑ ।
रोद॑सी वरि॑वः । रोद॑सी इति॑ रोदसी । वरि॑वः कृ॒णोत॑म् । कृ॒णोत॑म्
क्षेत्र॑स्य । क्षेत्र॑स्य पत्नी । पत्नी॑ अधि॑ । पत्नी॑ इति॑ पत्नी । अधि॑ नः ।
नो ब्रू॑यातम् । ब्रू॑यातमिति॑ ब्रू॑यातम् ॥ स्तौमि॑ द्यावापृथि॑वी । द्यावापृथि॑वी
नाथि॑तः । द्यावापृथि॑वी इति॑ द्यावा – पृथि॑वी । नाथि॑तो जो॑हवीमि ।
जो॑हवीमि॑ ते । ते नः॑ । ते इति॑ ते । नो मुञ्च॑तम् । मुञ्च॑तम॒हसः॑ ।
अ॒हस॑ इत्य॒हसः॑ ॥ यत् ते॑ । ते व॒यम् ।
व॒यम् पु॒रुष॑त्रा । पु॒रुष॑त्रा यवि॑ष्ठ । पु॒रुष॑त्रेति॑ पु॒रुष – त्रा ।
यवि॑ष्ठावि॒द्वा॒सः॑ । अवि॑द्वा॒सश्च॑कृ॒म । च॒कृ॒मा क॑त् । कच् च॒न () ।
च॒नाऽऽगः॑ । 38 (50/63)

चतुर्थ काण्डे – सप्तमः प्रश्नः – (TS 4.7)

T.S. 4.7.15.7 - Kramam

आ॒ग॒ इ॒त्या॒गः॑ ॥ कृ॒धी॑ सु॒ । स्व॑स्मान् । अ॒स्मा॒ अ॒दि॒तेः॑ ।
अ॒दि॒ते॒र॒ना॒गाः॑ । अ॒ना॒गा॒ वि॒ । व्ये॒ना॒सि॑ । ए॒ना॒सि॑ शि॒श्रथः॑ ।
शि॒श्रथो॑ वि॒ष्वक् । वि॒ष्वग॑ग्ने । अ॒ग्न॒ इ॒त्य॒ग्ने॑ ॥ यथा॑ ह । ह॒ तत् ।
तद् व॑सवः । व॒स॒वो॒ गौ॒र्य॑म् । गौ॒र्य॑म् चि॒त् । चि॒त् प॒दि । प॒दि॒षि॒ताम् ।
सि॒ता॒म॒मु॒ञ्च॒त । अ॒मु॒ञ्च॒ता॒ य॒ज॒त्राः॑ । य॒ज॒त्रा॒ इति॑ य॒ज॒त्राः॑ ॥ ए॒वा॒ त्वम् ।
त्व॒म॒स्मत् । अ॒स्मत् प्र॑ । प्र॒ मु॒ञ्च॑ । मु॒ञ्चा॒ वि॒ । व्य॒हः॑ । अ॒हः॑ प्र॑ ।
प्रा॒ता॒रि॑ । अ॒ता॒र्य॒ग्ने॑ । अ॒ग्ने॑ प्र॒तरा॑म् । प्र॒तरा॑म् नः॑ ।
प्र॒तरा॑मि॒ति॑ प्र – त॒राम् । न॒ आयुः॑ । आयु॒रि॒त्यायुः॑ ॥ 39 (34/35)
(ग॒न्ता॑ – दू॒ष॒य॒न्थ् स्तौ॑मि – य॒योः॑ – श॒र्द्धो॑ऽ – नु॒म॒ति॒रनु॑ – च॒न –
च॒तु॒स्त्रि॒श॒च्च) (A15)

=====

तैत्तिरीय संहिता क्रम पाठे (TS 4.7)

Prasna Korvai with starting Padams of 1 to 15 Anuvaakams :-

अ॒ग्ना॒वि॒ष्णू॒ - ज्यै॒ष्ठ्य॒ - श॒ञ्चो॑ - क॒र्चा - ऽ॒श्मा॑ चा॒ - ग्नि॒श्चा॒
- ऽ॒शु॒ - श्वे॒द्ध॒म॒श्चा॒ - ऽ॒ग्नि॒श्च॑ घ॒र्मा - ग॒र्भा - श्वै॒का च॒ -
वा॒जो॑ नो - अ॒ग्नि॒म् यु॑न॒ज्मि॒ - म॒मा॒ग्ने॑ - अ॒ग्ने॒र्म॒न्व -
प॒ञ्च॑द॒श ।

Korvai with starting Padams of 1, 11, 21 Series of Panchaatis :-

(अ॒ग्ना॒वि॒ष्णू॒ - अ॒ग्नि॒श्च॒ - वा॒जो॑ नो॒ - अ॒द॒ब्धो॑ गो॒पा -
न॒व॒त्रिं॒शत्)

First and Last Padam of Seventh Prasnam of Kandam 4:-

(अ॒ग्ना॒वि॒ष्णू॒ - प्र॒त॒रान्न॑ आ॒युः)

Kaanda Korvai with starting Padams of 7 Prasanas of Kandam 4:

(यु॒ञ्जा॒नो - वि॒ष्णो॑ - र॒पा॒ - र॒श्मि॑ - न॒मो - ऽ॒श्म -
अ॒ग्ना॒वि॒ष्णू॒ - स॒प्त)

॥ हरिः । ओम् ॥

॥ इति चतुर्थ काण्डे सप्तमः प्रश्नः समाप्तः ॥

॥ इति चतुर्थम् काण्डम् ॥

चतुर्थ काण्डे – सप्तमः प्रश्नः – (TS 4.7)

Details of Panchati , Padam and Krama Vaakyam for Kandam 4 , Prasanam 7 – (TS 4.7)

| | Panchati | Padams | Krama Vaakyams |
|-------------|----------|--------|-------------------|
| Anuvakam 1 | 2 | 118 | 127 |
| Anuvakam 2 | 2 | 114 | 121 |
| Anuvakam 3 | 2 | 108 | 115 |
| Anuvakam 4 | 2 | 114 | 119 |
| Anuvakam 5 | 2 | 98 | 100 |
| Anuvakam 6 | 2 | 121 | 122 |
| Anuvakam 7 | 2 | 84 | 98 |
| Anuvakam 8 | 1 | 66 | 75 |
| Anuvakam 9 | 1 | 68 | 72 |
| Anuvakam 10 | 2 | 90 | 102 |
| Anuvakam 11 | 2 | 111 | 131 |
| Anuvakam 12 | 3 | 152 | 171 |
| Anuvakam 13 | 5 | 237 | 262 |
| Anuvakam 14 | 4 | 193 | 218 |
| Anuvakam 15 | 7 | 334 | 377 |
| Total → | 39 | 2008 | 2210 |

Details of Anuvakam, Panchati , Padam and
Krama Vaakyam for Kandam 4
(4.1 to 4.7)

| | Anuvakam | Panchati | Padams | Krama Vaakyams |
|----------|----------|----------|--------|----------------|
| Prasna 1 | 11 | 46 | 2293 | 2557 |
| Prasna 2 | 11 | 48 | 2498 | 2768 |
| Prasna 3 | 13 | 36 | 1844 | 2195 |
| Prasna 4 | 12 | 37 | 1887 | 2248 |
| Prasna 5 | 11 | 27 | 1234 | 1417 |
| Prasna 6 | 9 | 46 | 2331 | 2676 |
| Prasna 7 | 15 | 39 | 2008 | 2210 |
| Totals | 82 | 279 | 14095 | 16071 |